

ს ა მ ა რ თ ვ ე ლ ი

საქართველოს სახალხო ფრონტი
ქოველკვირული საზოგადოებრივ-პოლიტიკური გაზეთი
გამოდიოდა 1903-1905, 1915-1921 წწ. აღდგენილია 1989 წელს.

№ 34 (1369)

6-12 ნოემბერი, 1993 წ.

ვინ ხარ შენ, „ჯიგალეფის“ ავტორო, უბორო მოყვარე თუ ბრძენი მტერი?

მიმართვის იმ ტექსტებს, რომლებსაც ავტორები უგზავნიან დაპირისპირებული მხარის წარმომადგენლებს, რედაქცია იზიარებს, მხარს უჭერს და იწონებს. ერთმა გზააბნეულმა რომ გადადგას სწორი ნაბიჯი, დადოს იარაღი და აიცილოს ძმისმკვლელის საუკუნო ცოდვა, უკვე ბევრს ნიშნავს.

მაგრამ როდის უნდა ვისწავლოთ ქართველებმა უხინჯო და უზადო საქმის კეთება? რა უბედურება გვექირს, რომ სადაც კარგია, იქ ცუდიც აუცილებლად გამოგვდის ხელიდან და ხშირად კასრთაფლს კოვზი კუბრით ვაფუჭებთ, თუმცა ეს შემთხვევა საპირისპიროა — იმან, ვინც აღნიშნული მოწოდების ტექსტი მეგრულადაც შეადგინა, კუ-

ბრი, უხამი და სამსალა ჩანთხია საქმეში. რაო, ვითომ სამეგრელოში არის ვინმე ქართული წერაკითხვის არმცოდნე, რას ვუსვამთ ხაზს ამ მიმართვით და საით ვუბიძგებთ ჩვენს ისედაც ზოგიერთ თავგზააბნეულ სისხლსა და ხორცს.

ვინ. ხარ შენ, „ჯიგალეფის“ ავტორო, უგვანო მოყვარე თუ ბრძენი მტერი?

ძაბო!

სამთავრობო ჯარები ზუგდიდს მოადგა, ძმათმკვლეელი სამოქალაქო ომი, რომელმაც კატასტროფამდე მიიყვანა მთელი საქართველო, დასასრულს უახლოვდება.

სამთავრობო ჯარები რამდენიმე დღეა მაკონანად გაწმენდენ ყველა ტერიტორიას საკუთარი ხალხის სისხლიანი ჯალათებისაგან, ამიტომ მოგიწოდებთ დაყაროთ იარაღი, შეწყვიტოთ უაზრო წინააღმდეგობა.

ყველას (გარდა ბანდიტური ჯგუფების მეთაურების, მკვლელების და სამხედრო დამნაშავეებისა) ვინც შეცდით, მოტყუდით ან იძულებით იყავით ჩათრეული, მოქმედი კანონმდებლობის საფუძველზე საქართველოს სახელმწიფოს

მეთაური და მთავრობა გაბრდნაო შეწყალებას, პუმანურ მოპყრობას, საკუთარ ოჯახებში და ცოლ-შვილთან მშვიდობიან დაბრუნებას, ხოლო მკვლელები, მთხრებლები და ბანდიტები სასტიკად დაისჯებიან საქართველოს კანონების მთელი სიკაცრიით.

ძმებო!

ღოღა მოგვით გონს დაყაროთ იარაღი და გადმოხედეთ ჩვენს მარცხ ამით შეინარჩუნებთ სიცოცხლეს და ოჯახებს, რადგან თქვენ, უბრალო ჯარისკაცები იძულებით ხართ ჩათრეული ძმათმკვლელობაში.

ამ მოწოდების ფურცლის წარმოდგენის შემთხვევაში თქვენზე გავრცელდება მთავრობის მიერ გაცემული ყველა გარანტია.

ჯიგალეფი!

მთავრობაში ჯარეფი ზუგდიდს ქუ-მადირთესი. ჯიგალეფს შქას ჩყუბი, ნამუქ მთელი საქართულო გაუბედურონ, ამდლა დო ქუმე გეტებუ.

მთავრობაში ჯარეფი ჟირ-სუმ დღაშა გოწმინდანა არაბა რაიონეფს დო ქალაქეფს ჭალაფეფე დო ბანდიტეფე.

გიორგიმ ქიღარღვით იარაღი დო მიოტუათ უაზრო წინააღმდეგობა.

არძას, მით ჩილითი რე, ღორებულ რე, ძალით რე ჩათრეული, კანონეფიშ საფუძველშა საქართულოშ სახელმწიფო მეთაური დო მთავრობა არზენს პატიებაშ პირობას, მუშ ნათესეფშა დო ჩილდოსქეშა დორთინა დო რინაშ გარანტას.

კორიშ მაყვილარეფი, ბანდიტეფი დო

ბანდაშ მეთაურეფი დასჯილ იყინა საქართულოშ კანონეფიშ მთელი სისასტიკეთი.

ჯიგალეფი!

დღეჭირით, დიო ხოლო რე დრო გეგნოდგათ სწორი ნაბიჯი, ქიღარღვით იარაღი დო გინილით ჩქინ მხარეშა, ათეთ თქვა შეინარჩუნებთ სიცოცხლეს დო ოჯახეფს, მუშ შენდა თქვა უბრალო ჯარისკაცეფი ძალით რეთ ჩათრეული ჯიგალეფიშ მაყვილარ ჩხუშა დო მუთუნ დანაშაულ ვაიდუნა.

ათე მოწოდებაშ ფურცელს მიღვა წარმოადგინენს თის გარანტირებული აფუ მთავრობაშე პატიება, ოჯახეფშა დორთა დო მშვიდობიანი ცხოვრება.

რაბო უნდა დაისაჯოს ზუგდიდი?!

ამ ბოლო ხანს ხელისუფლების მაღალი ეშელონების წარმომადგენლები სამთავრობო პრესასა და ტელევიზიაში დაბეჭითებით ირწმუნებიან, რომ თუ სამთავრობო ჯარები ზუგდიდში შევლენ, მოხდება საშინელი რამ, იმაზე გაცილებით უარესი, რაც ძარცვა, მაროდღეობა გახლავთ და მოუწოდებენ ზუგდიდის მოსახლეობას თვითონვე აყარონ იარაღი გამსახურდას შეიარაღებულ მომხრეთ და ამ გზით გადაარჩინონ ზუგდიდი და საკუთარი თავიც საშინელი სასჯელი-საგან.

ერთი შეხედვით, ხელისუფლების წარმომადგენელთა ამ განცხადებებს ზუგდიდის მოსახლეობაზე და გამსახურდას შეიარაღებულ მომხრეებზე ფსიქოლოგიური ზემოქმედების დატვირთვაც აქვს და ალბათ, ეს ასეცაა, მაგრამ სახელმწიფოს მეთაურის ამასწინანდელმა სატელევიზიო ინტერვიუმ კიდევ ერთხელ გაუსვა ხაზი იმას, რომ ზუგდიდის შტურმს და იქ სამთავრობო ჯარების შესვლას მოყვება გაუთვალისწინებელი შედეგები, რომ „ზვიადისტების“ ლაღატით, აფხაზეთსა და მიმდინარე ომში მეგობრების, თანამებრძოლების

დაღუპვით გამწარებული ბიჭები შურს იძიებენ და ა.შ.

ყველაფერი შეიძლება გაიგო კაცმა. ისიც, რომ გამწარებული მეომარი, ვთქვათ, ვერ მოზომავეს საქციელს, რომ შეიძლება ისე არ მოიქცეს, როგორც ეს ჯარისკაცს ეკადრება, მაგრამ ის, რაც ჩვენში ხდება დღეს, რაც სენაკში, აბაშაში, თუნდაც სამტრედიასა და მის მიმდებარე რაიონებში მოხდა და ხდება (და რასაც სამთავრობო პრესა და ტელევიზიაც არ მალავს), არათუ სამთავრობო ჯარებს, არამედ ტყის ყაჩაღებსაც კი არ ეკადრებათ. თუმცა, ისიც უნდა ითქვას, რომ მაროდღეობას, ძარცვა-გლეჯას ჯარისკაცების სახელით სხვებიც, ათასი ჯურის ბოროტმოქმედიც სჩადიან.

მაგრამ მთავარი მაინც ისაა, რომ ხელისუფლების წარმომადგენლები, როგორც ეტყობა, ვერ აკონტროლებენ სიტუაციას (გგულისხმობთ ძარცვა-ყაჩაღობასა და მაროდღეობის აღკვეთას) და სამთავრობო ჯარების ზუგდიდში შესვლის შემთხვევაში მოსალოდნელი შედეგებისაგან, ისე სჩანს, წინასწა-

გაგრძელება მე-2 გვ.

სამოქალაქო ომიდან «გამოქცეული» მეგრძოლის ნაამბობი

სალაც არ უნდა იქნოს, ქვა და ღორდი ჩვენ გვეყრება თავზე.

ეს ქართული ანდაზა მახსენდება ყოველთვის, როდესაც ნაოზარ ქართველ ბიჭებს ვხედავთ ახალგაზრდებს, ვინც უმწიფელობის სიამენი ქვემო ქართლის, სამანაბლოს და აფხაზეთის ტრაგედიების მონაწილის მწარე ბედზე გაცვალეს და ერთხელაც არ დაუწუწუნიათ თავიანთი გაზულქებული თანატოლების ხილვისას, ერთხელაც არ შესწენიათ გულში გაკეთებული საქმის ეჭვის ჭია, ერთხელაც არ დაუკენებიათ, ისე ეწირებოდნენ სამშობლის.

ახლა ჩემს წინ ერთი მათგანია და, პოი საოცრებაც, მას ურთრტიდან გამოქცეული ჰქვია. ამ სამა-ოთხი წლის მანძილზე მის თავზე ბევრი იქნა, ქვამაც და ღორდმაც მისთვის მოიკადა, სამანაბლოსაც უდგა გვერდით პატროსან დარაჯად, აფხაზეთშიც სისხლის უკანასკნელ წვეთამდე იცავდა სოხუმს, დაღის ხეობის გოლგოთაც გამოიარა და ახლა...

გინდა დეზერტირი დამიძახონ, გინდა მოლაღატე, მე იქ წასვლელი აღარა ვარ! არა და არავის გაუგებდნარ ძალით ზოგიერთივით, ჩემით წავედი. საერთოდ ბევრი წავიდა თავისით. უმრავლესობას სჯერა, როგორც კი ენგურს — აქეთ აფხაზეთს ბოლოს მოვუღებთ, ენგურს იქით გადავლენ ქართული ჯარები და იმ სირცხვილს, რაც მოგვაყენეს აფხაზეთში და მათმა დამპყმებმა, სისხლით ჩამოვირეცხავთ. მაგრამ, რაც ახლა სამეგრელოს რეგიონში ჰდება, იმას აღწერა

ჩემს ძალ-ღონეს აღემატება. დაამთავრონ ერთმანეთის საქმის გარჩევა, მიადგნენ ჩვენი ჯარები ენგურის ნაპირებს და ისევ ისე დაუძახებლად წავლეთ მეც და ჩემი მეგობრებიც. ახლა კი არ შემიძლია ამ ბანდიტების, ყაჩაღების, მორადიორების და უბრალოდ ყოველგვარი ზნეობას მოკლებულ ადამიანის სახის პირუტყვების ცქერა. ასეთი ხალხი კი ორივე მხარეს არის და შუაში მოქცეული მოსახლეობა გმინავს ამ სიტყვის პირდაპირი გაგებით. აბაშა ორ დღე-ღამეს იძარცვებოდა, ვისგან? ვერ გაიგებ. ერთი ფორმა, ერთი ენა, ერთი მორადი, ერთი ზნეობა, უფრო სწორად უზნეობა. სენაკში ერთ დღეში მორჩნენ ყველაფერს. ერთი ქუჩა ავიღე, ჩემი ბიჭებით, ვიცავდი. ასეთი შემოტევები მტრისგან არ მახსოვს აფხაზეთში. ჩემთვის მინდა ის ქუჩა მეთქი ვუბნებოდი. მაგრამ ასეთი ქუჩები სენაკშიც და სხვაგანაც ძალზე ცოტა გადარჩა. ავტომატების კოლონიები მოემართება აქეთ, თბილისისაკენ. ათასგვარი სიმდიდრით დატვირთულ მანქანებს არცთუ პატარა წინის ოფიცრები მოაცილებენ და ხელს ითბობენ. მანქანებიც ნაძარცვია და მათში ჩატვირთული ქონებაც. ღვთის წყალობით აქონდა დოვლათი მეგრულ კაცს, არც შრომისმოყ-

გაგრძელება მე-2 გვ.

სასტამბო მიზეზების გამო ნომერი რესპოდენტთა სურათები არ იბეჭდება.

რატომ უნდა დაიხსნას ზუგდიდი?!

დასასრული

რვე იხსნიან პასუხისმგებლობას და მისი მთელი სიმძიმე ისევ იქა-ურებზე, ზუგდიდელზე გადა-აქვთ, რომელთა დიდ უმრავლესობას მშვიდი ცხოვრება, მუშაობა და საქმიანი ატმოსფერო დიდი ხანია ენატრება და სახელისუფლო სკამებისთვის მებრძოლთა ამბიციები მათთვის მხოლოდ სატანჯველია და სხვა არაფერი.

იმაზე საუბარი კი, რომ სწორედ ზუგდიდი „ზვიადისტების“ ციტადელია, ეს მართლაც ასეა, მაგრამ ეს ზუგდიდის მთელი მოსახლეობის დამსახურება იმდენად არ გახლავთ, რამდენადღე ლევანდელი ზელისუფლებისა, რომელმაც თავის დროზე ვერ შეძლო მოგვარებინა ის პრობლემები, დღეს რომ ძმარს გვადენს

ცხვირიდან და საკუთარი მოვალეობების ზუგდიდის მოსახლეობაზე გადაკისრებით ცდილობს საქმეში ჩაუხედავი კაცისთვის თვალში ნაცრის შეყრას.

დღევანდელმა ზელისუფლებმა, თუ მათ მართლაც სურთ ერის გამართლება, კონსოლიდაცია და საერთო, გონივრული სახელმწიფოებრივი პოლიტიკის გატარება და სურვილთან ერთად ეს ხელუწიფებით კიდევ, მაშინ იმაზე უნდა იფიქრონ, თუ რა დამლუბველი შედეგი შეიძლება მოყვას მშვიდობიანი მოსახლეობის აწიოებას და ბატონი ედუარდ შევარდნაძის სიტყვებით რომ ვთქვათ, „ზვიადისტების“ კირმოსდელი საქართველო უფრო დიდი და დაუძლეველი უფსკრულის წინაშე არ აღმოჩნდეს.

სერგო ჯანაშია

სამოქალაქო ომიდან «გამოქცეული» მებრძოლის ნათხიზი

დასასრული

ვარება აკლია და არც გონების სიმახვილე. სულიდა შეარჩინეს, ჩაფურთხებული სული. ვის მოეკითხება ყველაფერი ეს? იმათ ვინც მარცხავენ თუ იმათ ვინც აძარცვინებს?

სამთავრობო ჯარს მიტმასნილ მძარცველებსა და იქით, ზვიადისტების მხარეს მყოფებს შორის არის განსხვავება. ზვიადისტი მძარცველი სახლში რომ შედის, ეკითხება პატრონს: „შეიძლება ბატონო, ეს ბურგაკი დაკლათ?“. ახლა რომ უთხრა, არ შეიძლება, ხანაშენოდ მინდაო, დაკლავს მაინც, ისიც არ არის გამორიცხული, რომ გაბრაზდეს და შენც ზედ მიგაყოლოს, გააჩნია ვინ არის. აქვთა, მთავრობის ყანადი არაფერს არ ქუნიან — ერთს შეუტყვს, შეაგინებს, უხ თქვენი ზვიადისტი დედაო და დატრიალებს ცოდვის კალღო.

უამრავი ხალხი წამოვიდა უკან. ვერ შესძლეს ასეთი რამის

ცქერა, ვერ აიტანეს. ჯერ ყველა ქართველს არ გასწავლეს ზუგდიდის მარცხი. ხალხი ისეთ დონეზე მიიყვანეს, ერთნაირად სძულთ ორივე ხელისუფლება და რაიმე რეალური, სერიოზული ძალა, რომ გამოჩნდებოდეს, მას დაუდგება გვერდში, ოღონდ გათავდეს ეს სოფლო-გომორი, მორჩეს ადამიანის დაცემის ამ საშინელი სურათის ხილვა.

ახლა სახელმწიფოს მეთაურმა ასეთი კატეგორიის ხალხის მიმართ ზომების მიღება და გამკაცრება მოითხოვა. მე არ ვიცი რას ნიშნავს გამკაცრება. კაცი, რომელიც კლავს იმისათვის, რომ მანქანა, თუნუქისა და რეზინის რაღაცა ჯარით წამოიღოს, უნდა მოკვდეს. ასეთი ზომების მიღების შესახებ კანონის შექმნა კი არ არის მთავარი, კანონის შემსრულებლის მოძებნა უმთავრესი. მაგრამ, რაც ჩვენს გზებზე საქმეები ხდება, იმის დაშინავე ძნელად დაიჯერებს, რომ პოლიციას ძა-

ლუმს რაიმე სასიკეთო მიიმოქმედოს. იგი პარალიზებულია და დაშინებული.

ღმერთო, გვიშველო ვამბობთ, რატომ გვიშველის ღმერთი ასეთებს? იქნებ დოცვის მაგივრად ყველამ ჩვენს ნაძარცვით დატვირთულ შვილებს, ძმებს, ქმრებს ვუთხრათ, რომ შენგონდენ და ნუ აკეთებენ იმას, რაც მათზე და მათ შვილებზე ცოდვად გადმოვა.

მე ვერ შევძელი იმ ცოდვის შეილებათვის ხელი შევშალა. ვერც შევძელი მათ გვერდით ყოფნა, მაგრამ როგორც კი ენგურის ტადლები ჩვენი ტანკების მუხლებს დაასველებდნენ, მე ვიქნები პირველი, ვინც იმ ტანკებს გადაყვება. სამშობლო უნდა დავიბრუნოთ, ქვეყანა უნდა მოვაწესრიგოთ და მე მჯერა, უწესრიგობასაც ვურს აწუწავთ. ერთსაც ვიტყვი. ტყვეა არ გამისვრია სამხედროში, როგორც ჩავიტანე გაწმენდილი ავტომატი, ისეთივე წამოვიღე უკან. ასეთები ბევრია... ჩვენ საქართველოს სამანძიან უნდა დავცვალოთ ჩვენი იარაღი და მივე მტრისა თუ ერთმანეთის გაუტანლობისაგან დანგრეული ქვეყნის აშენება დაიწყოთ.

ჩაიწყრა
მერაბ მაისურაძე

ღრმად სახელმწიფოებრივი კრიზისის დროს უჩვეულო არაა უმაღლესი საკანონმდებლო ორგანოს — პარლამენტის ფუნქციონირების დროებით შეჩერება ან სულაც დათხოვნა. მსგავსი რამ მოხდა ჩვენ სინამდვილეშიც, რაც საბოლოოდ ამა წლის სექტემბრის თვის შუა რიცხვებში საქართველოს პარლამენტის თავმჯდომარის, სახელმწიფოს მეთაურის მიერ პარლამენტის ფუნქციონირების დროებით შეჩერებით დასრულდა. ჩვენ შემთხვევაში საინტერესო იყო თვით საზოგადოების დამოკიდებულება პარლამენტსა და მის მუშაობაზე, რაც დაუფარავად იყო გაცხადებული საინფორმაციო საშუალებებით დაწყებული, პურის რიგებით დამთავრებული.

კვანძი კი მაშინ გაიხსნა, როცა საქართველოს სახელმწიფო ფილარმონიის დიდ საკონცერტო დარბაზში შეკრებილმა თბილისის საზოგადოების ერთმა თვალსაჩინო ნაწილმა ოვაცია გაუმართა ახალგაზრდა კაცის მოწოდებას რესპუბლიკის პარლამენტის დათხოვნის თაობაზე. თვით ეს ფაქტი შეიძლება სახუმაროდ მიგვეღო, საქმე უფრო სერიოზულ ვითარებასთან რომ არ გვეკონდეს. აქ ხომ უპირველესად ჩვენი დაბალი პოლიტიკური კულტურაა გამყდარებული. საქმე ისაა, რომ პარლამენტი ხალხის არჩეულია და როდესაც მისი დათხოვნის მოწოდებას ოვაციით ხვდება საზოგადოების ისეთი ნაწილი, რომელსაც გარკვეული პრეტენზიები აქვს და ამასთან მეტრის ფუნქციასაც იღებს თავის თავზე, ეს სამწუხარო მოვლენაა და სერიოზული განსჯის საგანი უნდა გახდეს.

არც ის იყო შემთხვევითი, რომ მომდევნო ამგვარსავე შეხვედრაზე ქილიგის საგანი (თუ მეტი არა!) შეიქმნა და ერთდარგარ ვანდეს უპირებდნენ პირო-

ვნებას, ვინც მთელი თავისი არსებით ეროვნულ საქმეებზე შეწირული და განსხვავებით გამჭილიკებელთაგან, აფხაზეთის ომში იარაღისხმული იბრძოდა. მსაჯულების როლში კი სწო-

შემთხვევაში მისი ფუნქციონირების დროებით შეწყვეტას მაინც მოითხოვს, ქვეყანაში არსებული უწესრიგობის მთავარ მიზეზად საპარლამენტო უმცირესობას — ოპოზიციას მიიჩნევს.

ბილი მარქსისტული (უტოპიური!) თეზა — უხვი დოვლათის გადმოღინებაზე. ადრეც მითქვამს და ვიმეორებ: საკვალად და საქმე, როცა ასეთი მოსაზრებისა და განწყობის ხალხი

რენანის სიტყვები: „ქვეყნის დიდება ყოველთვის უმრავლესობის მოწინააღმდეგეა, ოპოზიციის ყოფილა. ერის ყველაზე დიდებულნი შვილი არიან ისინი, რომელნიც ერს სასიკვდილოდ გაუწირავს. სოკრატი დიდება და გვირგვინი იყო ათენისა, მაგრამ იგი მოწამლეს, სპინოზა იქნეს ლამაზი ერთი უდიდებულესი ებრაელთაგანი იყო, მაგრამ თორამ იგი საარცხევინო ბოძზე მიაკრა და თავის წიაღიდან განდევნა. იესოც დიდება იყო

საპარლამენტო უმცირესობა — განტეხების გაცი

მისილ მახარაძე

რედ ისინი მოგვევლინენ, ვინც ამ მძიმე ომის ჟამს ტელეკრანიდან, არც მეტი არც ნაკლები, თავი მხოლოდ ბაქაიობით დაგვამახსოვრეს.

ერთი სიტყვით, რაც სიმნელები იყო საქართველოში, ამის მიზეზად პარლამენტის უნიათობა იქნა მიჩნეული და აქედან გამომდინარე მისი დროებით მაინც ფუნქციონირების შეწყვეტა ბუნებრივი მოვლენა იყო.

ნებისმიერი პარლამენტი კი მოგვსენებათ მრავალფეროვანი სპექტრია და ერთნაირად მოაზროვნეებით არაა დაკომპლექტებული. ამ მხრივ არც საქართველოს რესპუბლიკის პარლამენტი ყოფილა გამონაკლისი. თითქოსდა სადავო არ უნდა იყოს, რომ პარლამენტის არაქმედითუნარიანობაზე პასუხისმგებელი პირველ რიგში მისი რაღაც ნიშნებით გაერთიანებული უმრავლესობა უნდა იყოს და არა მისი ოპოზიცია — უმცირესობა. მაგრამ ჩვენს პოლიტიკურ ცხოვრებაში არცთუ იშვიათად ყველაფერი სწორედ რომ პირიქით ხდება და ისე როგორც ცოტათი ადრე უხედავს საბჭოში, ასევე ახლაც პარლამენტში, თითქმის ყველა ნაკლი და ცოდვა ძირითადად ოპოზიციას აკიდე. ვერსად გვექცევით იმ ფაქტს, რომ ვინც პარლამენტის დათხოვნას ან უარეს

ახლა როგორ გინდა გააგებინო და დააჯერო ამ მოთხოვნა-მოწოდებების ავტორებს, რომ საპარლამენტო უმრავლესობის უმრავლესთა ერთი ნაწილი დამძიმებულია კომუნისტური მემკვიდრეობით, რამაც ამ კონკრეტულ შემთხვევაში იგულისხმება უსიტყვო მორჩილების განწყობილება, მეორე ნაწილი კი იქითკენ გადაიხრება, საიდანაც ქარი დაუბერავს. ერთიცა და მეორეც არსებითა და პრინციპულ საკითხებზე მანამ ვერ მიიღებს გადაწყვეტილებას, სანამ არ გაარკვევს უმაღლეს ხელისუფალთა პოზიციას. ამასთან, ამ კატეგორიის პარლამენტარებს გულის სიღრმეში სჯერათ, რომ ერთი კაცის მაგარი ხელი საკმარისია ქვეყნის აყვავებისა და ხალხის კეთილდღეობისათვის. თუ საიდან იღებს სათავეს ამგვარი განწყობილება, არ უნდა იყოს ძნელი გასაგები.

ზემოაღნიშნულიდან გამომდინარე არ ყოფილა მოულოდნელი, რომ საპარლამენტო უმრავლესობის აბსოლუტურმა უმრავლესობამ უსიტყვოდ დაუჭირა მხარი სნგ-ში საქართველოს გაწვერიანებას. არც ის იყო შემთხვევითი, რომ მათგან ზოგიერთის საჯარო გამოცხადებაში, სნგ-ში შესვლის აუცილებლობის ერთ მთავარ არგუმენტად მოხმობილი იყო ცნო-

წვევს ქვეყნის ბედ-იბაღს. აღნიშნულის პარალელურად პირდაპირ თუ არაპირდაპირ მიდინარეობს იმ პარტიებისა და პარლამენტარების დისკრედიტაცია, რომელთაც სათანადო საბუთებით უმეგრებული საკუთარი მოსაზრებები გააჩნიათ ქვეყნის უკეთ მოწყობასა და მართვაზე...

შეიძლება ითქვას, რომ საქართველოს რესპუბლიკის პარლამენტის დღევანდელი მდგომარეობა არსებითად განსაზღვრა პარლამენტის „თანამოაზრეთა“ — საბოლოოდ საპარლამენტო უმრავლესობად გაფორმებულთა აბსოლუტური უმრავლესობის უპასუხისმგებლო დამოკიდებულებამ საქმიანადი და არაკომპეტენტურობამ. ოღონდაც ყველაფერი გაკეთდა ისე, რომ საზოგადოების თვალში ეს საპარლამენტო უმცირესობას გადაბრალდა. მოკლედ საქართველოს პარლამენტი, დროებით მაინც, გაიწირა, ხოლო განტეხების ვაცად საპარლამენტო უმცირესობა იქცა. ამ უმცირესობიდან კი განსაკუთრებული რისხვის ობიექტები შეიქმნენ ისინი, ვინც ჭეშმარიტებისადმი სამსახურს ყველაფერზე მაღლა აყენებს (აქაც საჭიროა ერთანეთისაგან განკახავით თეთრი და შავი.) ამასთან დაკავშირებით უნებლიედ გვასენდება დიდი ფრანგი მწერლისა და სწავლულის ერნესტ

ერისა ისრაელისა, მაგრამ ამავე ხალხმა ჯვარს აცვა იგი“. იმედია არ დამბრალდება აზრის გატარება, რომ ჩვენ პარლამენტში ამ დიდი პიროვნებების დარი ვინმე მონაწილეობდეს. მაგრამ დიდი სწავლულის აზრი მეტნაკლებად ჩვენ სინამდვილეზე რომ ვრცელდება, ეს საუკეთესო არ უნდა იყოს.

ისეთ ვითარებაში, როცა ქვეყანა თავზე გვიქცევა და ამასთან მისი უმაღლესი საკანონმდებლო ორგანოს ფუნქციონირება შეჩერებულია, ყველა ძალის ერთიანი ძალისხმევაა საჭირო ქვეყნის გადასარჩენად, ამიტომაც ვერ დავუთანხმებთ ერთი, ჩემთვის მისაღები პლატფორმის პარტიის მესვეურთა საჯაროდ გაცხადებულს: თუკი საქართველოს პარლამენტი მხარს დაუჭერს სნგ-ში ჩვენი ქვეყნის გაწვერიანებას, მაშინ ამ პარლამენტში არაფერი გვესაქმება.

ჩვენი აზრით ამგვარი პარტიების მუშაობა პარლამენტში დღეს უფრო საჭიროა, თუნდაც უკიდურეს შემთხვევაში ვადამდე არჩევნების ჩატარების საკითხის დაყენების თვალსაზრისით. წინააღმდეგ შემთხვევაში ასპარეზი იმ „თანამოაზრეთა“ უმრავლესობას დარჩება, რომელთა საქმიანობის სავალალო შედეგებს დღეს ასე მტკივნეულად განვიცდით და ვიმეორებთ კიდევ.

— როგორ მოხდა თქვენი
ყველაფერი?

— როდესაც სოხუმი დაეცა, ჩვენ ბოლოები გამოვედით ქა-
ლაქიდან. გუმისთის ბრძოლების
დაწყებისას. ყველამ ვიცოდით,
რომ ჩვენი შსს გარკვეული
საწილები, მე-6 სამხრეთ-დას-
ავის, სამხრეთ-დასავლეთ-
ის იყვნენ დისლოცირებული
მდინარე კოდორთან და
ქიდან აკავებდნენ ტყვარჩელის
ხრიდან შემოტევებს. მე გადა-
წყვიტე ძალების გაერთიანება,
ინიდან შს მინისტრის მოად-
გილის სტატუსი მაქვს, მქონდა
მეგობარი გადაწყვეტილების მი-
ღების უფლება და 29 სექტე-
ბრის საღამოს დაეტოვეთ მდი-
ნარე კოდორი. ჩვენი ბიჭები
— 132 კაცი მდინარეზე წელა-
დგე წყალში გადავდით, გავი-
რეთ 20 კმ-იანი მანძილი ფეხით
გინდამდე და მივალწიეთ ოჩა-
ჩირამდე. იქ პანიკური სიტუა-
ცია დაგვხვდა. ჩვენი მებრძო-
ლები გადადიდნენ იყვნენ, 14
დღის მანძილზე ბრძოლებში
გაწამებულნი, მშვიდნი, უძლო-
ნი. ჩვენი მიზანი იყო სასწრა-
ვოდ მიგვეღწია შსს-ს ნაწილე-
ბთან და გაერთიანებული ძალით
შეგვეტია მტრისთვის. ცნობილი
გახდა, რომ სენათის გზა
გადახვრატა, ამასთან იქ უამრავ
ხალხს მოეყარა თავი და ჩვენი
სიკვლით მათ დროულად გადა-
ვიანას ხელს შევეშლიდით. ამი-
ტომ მე და გია ჩიქელაშვილმა
და სხვებმა მოვილაპარაკეთ წა-
სვლითი გზით ზუგდიდის გავლით,
თუმცა ვიცოდით, რომ ეს გზა
არც იმდენად უსიფთხო იყო,
მაგრამ მაინც მქონდა იმედი, რომ
არაღცნობად გავიდოდით. უნდა
გვინდობოდა, რომ თან გ. ავტომა-
ტის გარდა არაფერი გვაქონდა.
თელი იარაღი დავუტოვეთ სა-
თავრობო ნაწილებს, ჩვენ კი
აღოვედით ავტობუსებით ენგურ-
ის მიმართულებით. გალი რო-
დესაც გავიარეთ, გზაში მოიკე-
ციებდა გაგვიჩერეს და მე მიკი-
ნებეს, გაიგეს, რომ იქ ვიყავი,
თუმცა არაფერი უთქვამთ და
შვილობიანად გამოგვიშვეს. ეს
ფაქტი ცნობილი გახდა ზაურ
ობოლიასთვის, რომლის დავალებ-
ითაც მდენგურთან გაგვიჩერეს,
ვითხრეს, რომ ზვიადის დაცვი-
ბა იყვნენ და მათაც მომიკითხეს.
უთხარი, რომ გია გულუა მე
ვიყავი. მათ მთხოვეს ჩავსულიყავი
და წავყოლოდი. მიმიყვანეს ზუ-
გდიდის კომუნდატურაში. ეს იყო
30 სექტემბრის ღამის 2 საათი.
გორე დღეს გადამიყვანეს ციხის

№5 საკანში, სადაც „მოძინახუ-
ლეს“ კოტე ფირცხალავამ, ნუ-
გზარ მოლოდინაშვილმა, ზაურ
და ლოთი ქობალიებმა. მე
მოვიტხოვე ზვიადთან შეხვედრა,
ისინიც შემპირდნენ, რომ მასთან
მიმიყვანდნენ, მაგრამ ეს მხო-
ლოდ დაპირებად დარჩა.

გამსახურებისთვის ყოფილა შეძე-
ნილი.

— აღმათ მტკვნეული იყო
თქვენი, როგორც ზუგდიდელი
კაცისთვის, ტყვედ ყოფნა იმ მიწაზე,
სადაც დაიბადეთ, გაიზარდეთ, სადაც
გატარეთ თქვენი ბავშვობის წლები?
— გეთანხმებით, ძალიან

— რა განწყობილება იყო ზუგ-
დიდში?

— ხალხი იყო საშინლად
დაბნეული, შეშინებული. ხალხს
შევიდოდა მოენატრა. მოხერხდათ
ამდენი ომი, ამდენი მსხვერპლი.
შიშა მათი თანამგზავრი. ვერ
გაურკვევიათ საით წავიდნენ, რა

ჯარი კი არ უნდა გაგვეყარა,
არამედ ჩვენი ბიჭები უნდა
გვემსახურებინა აქ, საქართვე-
ლოში მათ გვერდით. ჩვენ
დღეს, ფაქტურად სამხედრო
ძალა არ გავაჩნია.

— კი მაგრამ, 9 აპრილის შემდეგ
რუსის ჯარის აქ დარჩენა შეუძლებე-
ლი იყო.

— ჯერ-ჯერობით ყველაფერი
არ არის გარკვეული. ის 9
აპრილის მოვლენებიც არ გაუ-
ქვებულა ბოლომდე. მოგა დრო
და ყველაფერს ფარად ახედება.

— ე.ი. თქვენ მომხრე ხართ რუ-
სის ჯარის შემოყვანისა?

— ჩვენ არ გვყავს ნამდვილი
სამხედროები. დღეს ყველა ჯარი-
სკაცი თითქმის ოფიცრობიდან
იწყებს თავის მოვალეობის შეს-
რულებას. ასე არ შეიძლება. მე
აუცილებლად მიმაჩნია „ესენგეში“
შესვლა.

— თქვენი პროგნოზი?

— მდგომარეობა აუცილებ-
ლად გამოსწორდება. საქართველო
უნდა გადაიქცეს იმ სახელმწიფოდ,
როგორც საქართველოს სჭირდებ-
და, და არა როგორც პროვინცია.
თუკი აღდგება კანონი, ამ
შემთხვევაში გადავჩვენებ. უპირ-
ველესია კანონი უზენაესობდეს.
სამართლებრივი სახელმწიფოს შე-
საქმნელად ეს უნდა იყოს მთა-
ვარი იდეა. დამნაშავე, როგორც
ვთქვით, პასუხი უნდა აგოს კანო-
ნის წინაშე და არა იარაღიანი
კაცის წინაშე. ამასთან პოლიცია
უნდა იყოს დეპოლიტიზებული.
იგი არც ერთ პარტიასთან არ
უნდა იდგეს. იგი უნდა წარმო-
ადგენდეს იმ ორგანოს, რომელიც
მხოლოდ კანონს დაემორჩილება
და მაშინ უკვე ვერც გამსახურდია
შეუშლის ხელს საქართველოს
წინსვლას და ვერც ლოთი
ქობალია. და რაც მთავარია,
ყველამ თავისი საქმე აკეთოს.
ჩემი ტყვეობისას ერთ-ერთმა მე-
თუნულქემ თქვა: „საქართველო
მაშინ გადარჩება, როდესაც მე
სახლების გადახურვას შევუდგები,
ხოლო ლოთი ქობალია კი კვლავ
პურის მანქანაზე დაჰდებოდეს“. მე
ფრთხილად იმ კაცს. ჩვენი
ქვეყანა ქაოსშია. ერთდროით
სახელმწიფოა, სადაც მიმდინარე-
ობს ომი და არ იციან რისთვის
იბრძვიან, რისთვის ხოცავენ
ერთმანეთს. მაგრამ ყველაფერი
გამოსწორდება. მე ოპტიმისტი
კაცი ვარ.

— ღმერთმა გისმინოთ.

ესაშბრა
რიმა ლომაური

გია გულუა: მხედრობის შესვლა იმ პრაფრით არ შეიძლება

— შეურაცხყოფას თუ მქონდა
ადილი?

— არავითარი შეურაცხყოფა
მე არ მიგრძენია. პირიქით,
სურდათ თავისი დამოკიდებულე-
ბით ჩემი გადაბირება მოეხდინათ,
მეუბნებოდნენ, რომ გაიმარჯვე-
ბდნენ, რომ თბილისში მალე
შევიდოდნენ და ძალაუფლება-
საც დაიბრუნებდნენ. ისე კი
უნდა ითქვას, რომ არ გავტყ-
ულებიყავი იქიდან, ისინი უკვე
ფიზიკურადაც გამოსწორდებოდ-
ნენ. მოცემულ შემთხვევაში კი
ეს ნაადრევია იყო.

— როგორ დაადგინეთ თავი
ტყვეობას?

— მე ბევრს ვფიქრობდი
გაქცევაზე. ვაწყობდი გეგმებს
როგორმე თავი დამეღწია მათ-
გან. ამაში დამეხმარნენ სწრაფი
რეაგირების განყოფილების წა-
რმომადგენლები, რომლებმაც ძა-
ლიან კვიანური გეგმა შეიმუ-
შავეს და ოპერაციაც ბრწყინ-
ვალად ჩატარდა. თუმცა პატარა
კუროლზეც მოხდა ციხიდან რომ
გამოვდიოდით, გზა შემშალა და
ჩვენს ბიჭებს დაეშორა. იძუ-
ლებული ვიყავი მიტოვებული
სახლის ეზოში გადასულიყავი,
რადგანაც გზაზე გაჩერებული
მანქანა შევნიშნე. თავიდან ვა-
პირებდი კიდევ მათთან მისე-
ლას, მაგრამ რაღაც შინაგანი
გრძნობა მქარახობდა, რომ
დავმალვოდი და ასეც მოვიქციე.
ღამის 3 საათამდე ეზოში
ვიყავი. შემდეგ კი გავეშურე
ფარულად ჩემი ნაცნობის სახ-
ლისაკენ. ვიცოდი არ გამწირა-
ვდნენ და მიმიღებდნენ. არც
მოვტყუედი. ერთი სიტყვით,
ყველაფერი ისე მოხდა, რო-
გორც ფილმებში ხდება ხოლმე.
ბოლოს გავიგე, რომ თურმე ის
სახლი, სადაც მე შემიფარეს,

განვიციდით. ვეუბნებოდი კი-
დეც, რომ ზუგდიდელი კაცის
ზუგდიდში დატყვევება სადაური
წესია-მეთქი, მაგრამ...

— თუ ნახეთ იქ თქვენი ნაცნო-
ბები, რომლებიც მონაწილეობდნენ
თქვენს დაკავებაში?

— კი, ნაცნობებიც იყვნენ,
18 წლის მანძილზე მე იქ
ცხოვრობდი, თუმცა 20 წელია
უკვე რაც წამოვედი და კონტა-
ქტებიც იმდენად აღარ მაქვს. ისე
კი, იქ მეტი წილი ჩამოსული
ხალხი იყო, ვიდრე თვითონ
ზუგდიდელები.

— შეგრჩათ თუ არა ყველაფრის
მოუხედავად ის სიუჟეტული ზუგდი-
დისა და ზუგდიდელების მიმართ,
რომელიც ბუნებრივია, გქონდათ?

— რა თქმა უნდა. მე ზუგდი-
დელი კაცი ვარ. არასდროს არ
დამიღია თავი თბილისელობაზე.
მე ზუგდიდი ისევე მიყვარს,
როგორც აქამდე მიყვარდა.

— ჩვენ გვითხრათ რაიმე ისეთი,
რაც არავისთვის გითქვიათ, თუმცა გი-
ნდობათ გეთქვით?

— რა მინდობა მეთქვა? ჩემს
ტკივილზე ვიტყვი. ჩემთვის დიდ
პრობლემას წარმოადგენს ის, რომ
ჩვენდა საუბედროოდ სამეგრელო-
სა და მეგრელებს მოლაპარაკებად
ნათლავენ. იქმნება ფენომენი —
„მეგრული“ — ჩვენი მტერია“. ასე
არ შეიძლება. მაქსიმალურად უნ-
და ვცდილობდეთ ერთმანეთს
მოვეკიდოთ იმ ხალხს, რომელიც
ხვალ და ზეგ ჩვენს გვერდით
დადგება, ჩვენთან ერთად იც-
ხოვრებენ, იშრომებენ ისე, რო-
გორც აქამდე იყო. ქობალიებით
და მისთანებით არ იწყება და
არ მთავრდება სამეგრელო. ისი-
ნი არ არიან სამეგრელოს
სიმბოლოები. მეგრელები გამო-
სავალს აუცილებლად იპოვიან.

საქართველოს სახალხო ფრონტის დარბაზის განცხადება ნ. ნათაძის მიმართ ცილისწამების გამო

საქართველოს სახალხო ფრონტის დარბაზი კატეგორიულ პრო-
ტესტს აცხადებს ნოდარ ნათაძის მისამართით გაჩაღებული ცილისწა-
მების კამპანიის წინააღმდეგ, რის „საფუძვლადაც“ გამოყენებულ იქნა
„მოსკოვსკიე ნოვოსტი“ და საქართველოს ტელევიზია. ვრცე-
ლდება ჭორი, თითქოს საქართველოს სახალხო ფრონტის თავმჯდო-
რის ნოდარ ნათაძეს ტელეფონით მოელაპარაკებინოს გამსახურდი-
ს შეიარაღებულ მომხრეებთან საქართველოს მთავრობის წინააღმ-
დე მოქმედების თაობაზე, რაც, თითქოს, „დაიჭიროა“ უშიშროების
ორგანოებმა. დარბაზი თვლის, რომ ეს აღვირახსნილი კამპანია სხვა
არ არის, თუ არა ნოდარ ნათაძის, როგორც „ესენგეში“ საქართვე-
ლოს შესვლის მოწინააღმდეგის, დისკრედიტაციის მცდელობა.

საქართველოს სახალხო ფრონტის დარბაზი მოითხოვს საქარ-
თელოს რესპუბლიკის უშიშროების სამინისტროსგან ან უარყოფს ხსე-
ნებული გაზეთის მიერ გამოქვეყნებული მონაცხის ნათაძის მისამა-
რით, ან გამოაქვეყნოს ხსენებული სატელეფონო საუბრების სრული
ანაწერი, საუბართა თარიღისა და ადგილის ზუსტი მითითებით.

მ. თაბილინი
29 ოქტომბერი 1993 წ.

უშიშროების სამინისტრო უარყოფს ბრალდებას ნოდარ ნათაძის წინააღმდეგ

რამდენიმე ხნის წინ „მოსკოვსკიე ნოვოსტიმ“
დაბეჭდა აკაკი მიქაძის წერილი, სადაც ბ-ნ ნოდარ
ნათაძეს ბრალი ედებოდა ექსტრემიზმის მომხრე-
ებთან საიდუმლო სატელეფონო მოლაპარაკებაში,
რომლის მიზანი იყო ერთობლივი მოქმედება არსე-
ბული მთავრობის დამხობის მიზნით. ბატონმა ნოდარ
ნათაძემ განცხადებით მიმართა საქართველოს რეს-
პუბლიკის უშიშროების მინისტრს ბატონ ი. გიორ-
გაძეს და ამ საქმის საფუძვლიანი შესწავლა
მოითხოვა.

საქართველოს რესპუბლიკის სახელმწიფო უშიშ-
როების სამინისტროს პასუხისმგებელი პირები უარ-
ყოფენ „მოსკოვსკიე ნოვოსტი“ გამოქვეყნებულ
ბრალდებას. ნათაძის მიმართ და აცხადებენ, რომ
მათ არ გააჩნიათ ნ. ნათაძის სატელეფონო საუბრის
ჩანაწერი გამსახურდიას მომხრეებთან, როგორც ეს
აღნიშნული იყო ბატონ მიქაძის წერილში.

გაზ. „7 დღე“
5-11 ოქტომბერი.

გაზეთ „საქართველოს“ მთავარი რედაქტორის კომენტარი

ყველაზე დიდი საშიშროებაა, კაცს ის დაბრალდო, რის
წინააღმდეგაც მთელი ცხოვრება იბრძვის.

გერმოდ, ბატონ ნოდარ ნათაძეს დასწამო სამოქალაქო
ომის ატეხვის ინიციატივა.

ჯერ იყო და, დეკემბერ-იანვრის გადატრიალების დროს
დებუტატი ქობულაშვილი გამობრძანდა და განაცხადა: ნო-
დარ ნათაძის სახლის სხვენიდან ავტომატები გააქვითო.

ეს ჩიტირკია დებუტატი მერე იძულებული გახდა ეთქვა,
ბოდიშით, შემეშალაო.

მისი მობოდიშეა ვილას სჭირდებოდა, თავისი საქმე ფა-
ქტურად გააკეთა, ავისმე! ურენი აასისინა უბრალო კაცის
წინააღმდეგ.

ახლა, ამ ომის დასაწყისშივე, რუსეთში აკაკი მიქაძემ
„გაახარა“ მკითხველი, — ნოდარ ნათაძე და ზვიად გამსახურ-
დიას მომხრეები ერთობლივად გვემანვე სამთავრობო ჯარების
წინააღმდეგ ბრძოლასო.

მერე რა, რომ ტყუილია,
თავისი ბნელი საქმე მიქაძემაც გააკეთა. ხალხი ალაპა-
რაკი, ექვის ჭია გაუწინა.

რათა შერება ამ გლაზა საქმეს „მოსკოვსკიე ნოვოსტის“
ქართველი კორესპონდენტი?

პირადად მე, რუსეთში გამოქვეყნებულ მის პუბლიკაცი-
ებს რომ ვკითხულობ, დათას სიტყვები მასწავლებს ხოლმე, —
ფული არ აიღო, ბიჭო, გულუნა...

ღვთის გულისათვის შეიპყრით, მიწა პიყვირო მთელი საქართველოს გასაგონად, მაგრამ ჩემი ხმა არავის უსმის!..

ჩვენი კორესპონდენტი თენგიზ გოგოტიშვილი შეხვდა ჰუმანიტარული მეცნიერებების რამდენიმე ცნობილ ჯარმომადგენელს და სთხოვა მათ თავიანთი აზრი გამოეთქვათ საქართველოში ატეხილი საზინდელი სამოქალაქო ომის შესახებ. ბატაგაობთ ამ საუბრების ჩანაწერებს.

რეკავ მიშველაძე,

მწერალი: პროფესორი,

საქართველოს ალბათ ისტორიის მანძილზე 1993 წელზე უარესი წელი არ ჰქონია. დამერწმუნეთ, ამას ჩემი პირადი განწყობილება არ მალაპარაკებს. საქართველოში დატრიალებული უბედურება ალბათ ჩემს ოჯახზეც უნდა განაწილებულიყო. ასე სურდა განგებას და მე შეამყვება, რომ ჩემი ერთადერთი შვილი სამშობლოსთვის დაიღუპა. მაგრამ ჩვენ სხვა ვიცი-თხოვთ. მე გითხარით 1993 ყველაზე მძიმე წელი იყო მეთქი. ჩვენს თვალწინ საქართველოს ისტორიის მთელი ტრაგედია გათამაშდა შესაძლებლობათა კვადრატში. დევნილ-ლტოლვილობა საქართველოსთვის ახალი არაა. შაჰ-აბასმა 140 ათასი ქართველი გადაასახლა ფერეიდანში. მაგრამ როგორც ისტორიკოსები ამბობენ სწორედ რომ გადაასახლა და სხვა არაფერი, მისცა მათ დრო და საშუალება, ურმით თუ მარხილით, ცხენით თუ ჯორით, თან წაეღოთ ყველაფერი, რაც სურდათ, და საქონელიც გაერკათ. ჩვენს თვალწინ აფსუა-ჩეჩენ-რუსთა გამძვინვარებულმა ურდომ 300 ათასამდე ქართველი გამოყარა (ამ სიტყვის პირდაპირი მნიშვნელობით) თავიანთი ისტორიული სამოსახლოდან და უმოწყალოდ გასწირა თოვლიან-ყინულიან ბილიკებზე სახეტიალოდ. ეს შემადრწმუნებელი ეპოპეა სამუდამოდ დარჩება ისტორიაში, როგორც ქართველი ერის გოლგოთის გზა. წარმოიდგინეთ, რა მასალა აქვს მწერალს, ისტორიკოსს, კინემატოგრაფისტს ამ მოვლენის უკვდავსაყოფად. შემადრწმუნებელია ის მწირი დოკუმენტური კადრებიც კი, ჩვენ რომ ვიხილეთ. თუნდაც ერთი დევნილი ოჯახის ისტორია რომ ასახოს მწერალმა (დედას რომ სამი შვილი ხელზე გაეყინა, მეოთხე ვილაცას მიაჩეჩა და თვითონ კლდიდან გადაიხვეწა), ეს იქნებ უფრო ტრაგიკული ნაწარმოები იყოს, ვიდრე ანტიკური თუ შემდგომდროინდელი ტრაგედიები ახსოვს ლიტერატურას. უღმობელმა ეპოქამ, მოგვხსენებთ, არც ეს გააკარა. სისხლნაყნოსნი, გაბრუებულ-დარეტიანებულნი, აფ-

ხაზეთის ომში დამარცხებულნი და დედლურად გამოქცეულნი, ერთმანეთს დავერეთ და არაჩვეულებრივი სისასტიკით, კბილთა ღრპილით, გულურის გემოსჩატანებით ვხოცავთ ერთმანეთს.

ვილაცამ თქვა: ასე მამაცურად და ერთგულად, როგორც ერთმანეთს ვებრძვი, აფსუა-ჩეჩენების წინააღმდეგ რომ გვებრძოლა, ალბათ გავიმარჯვებდით. ვერ გავიმარჯვებდით. ეს საქმეში ჩაუხედავი, გულუბრყვილო კაცის ნათქვამია. ვერ გავიმარჯვებდით იმიტომ, რომ აფხაზეთის ომში წინასწარ ვიყავით განწყობილნი. ჩვენ ვებრძოდით რუსის ჯარს, ამ არმიის წინაშე კი მთელი მსოფლიო ძრწის. 27 ივლისს ჩვენვე დავთმეთ სოხუმი, უკანასკნელი მბრძოლვე იმედი აფხაზეთის შენარჩუნებისა, ჩვენვე მოვაწერეთ ხელი ხელშეკრულებას, რომლის ძალითაც 10-12 დღეში უნდა გაგვეყვანა მძიმე ტექნიკა და გავიყვანეთ კიდევ რუსის გემების დახმარებით. სოჭის ხელშეკრულების ხელმოწერამდე რამდენიმე დღით ადრე მწერალთა კავშირში განვაცხადე (და ტელევიზიითაც გადაიცა): ნუ მოვაწერთ ხელს ხელშეკრულებას, თორემ აფსუარუსები არ შეასრულებენ და სოხუმს დაეკარგავთ მეთქი. ხოლო ხელმოწერის შემდეგ დაეწერე წერილი, სადაც ვამბობდი, ამ ხელშეკრულებით ჩვენ კაპიტულაცია გამოვაცხადეთ-მეთქი. წარმოიდგინეთ, თავისუფალი პრესის ჩვენს ეპოქაში ეს პატარა წერილი არც ერთმა გაზეთმა, ოფიციალურმა თუ ნახევრად ოფიციალურმა, არ დამიბეჭდა.

მე აფხაზეთთან დამარცხებაში ვერავის გაგამტყუნებ. იმ ხელშეკრულებაზე ხელმოწერაც იძულებითი ნაბიჯი იყო. ესენგეში შესვლაც იძულებითი ნაბიჯია. რუსმა უღმობელი სისასტიკით დაგვაპარცხა და დამარცხებულ-დამეჩავებულს, როგორც სურს ისე გვატრიალებს. რუსმა ამ საუკუნეში მეორედ დაგვიმონა. პირველი დამონების დროს (1918-1921) 111 ათასი კვ.კმ-დან 44 ათასი კვ.კმ. წაგვართვა. დამოუკიდებლობის მეორე წრეზე (1990-1993) რუსმა 25 ათასი

კვ.კმ. წაგვართვა (აფხაზეთი და სამაჩაბლო) და დაგვიტოვა მხოლოდ 42 ათასი, მაგრამ ისიც დაგვიტოვა?! რუსის იარაღით შეიარაღებულ-გამაჩვებელი ჩეჩენი და აფსუა აფხაზეთიდან ჩვენს გამოყრას არ დასჯერდა და ზედ ქუთაისის ჰიშკრამდე მოგვდია. იქნებ ხსნა მართლაც ესენგეში შესვლაში არის-მეთქი, ვიფიქრე ერთი თვის წინ, მაგრამ ბოლო დროის მოვლენებმა ამაშიც დამეცხა. ჩანს, რუსს ჩვენი განხალხება, ქართველი ერის და საქართველოს მოსპობა განუზრახავს, თორემ უკვე ესენგეში თითქმის შესულს ისე არ გაგვწირავდა, რომ ენგურის ხიდი არ ჩაეკეტა და იქიდან კონტედერაციის კაციკამიები საქართველოში არ შემოეშვა. რაო, უძლურია რუსის არმია ჩეჩენ-ყაზარდოვლ-ჩეჩენ-ადიღეველთა მომთაბარე ურდოების წინაშე? ეს ყველაფერი წინასწარი გეგმით კეთდება. ამ გეგმის ნაწილი გახლდათ ის მეფთასე ღალატი, რუსმა ჩვენი ჩრდილოეთი ჰიშკარი — თავისივე სახლ-კარი რომ არ დაიცვა და იქიდან თავისი მოქალაქეები, კახაკ-ჩეჩენთა მარბიელი ლაშქარი შემოეშვა საქართველოში.

გთხოვთ სწორად გამოგოთ, ესენგეში შესვლის მომხრე მაშინ ვიქნები, თუ რუსი აფხაზეთს და სამაჩაბლოს დაგვიბრუნებს. ჯერჯერობით კი აფხაზეთ-სამაჩაბლოდან გამორეკილი ჩვენი თანამომეგობის თავიანთ მიწაზე დაბრუნებას კარგი პირი არ უჩანს და მე, ქართველი მწერალი, თავის მოკვლის ხასიათზე ვდგები, სტიკი-ვეგამეფებულ დერეფნებსა და ქუჩაბანდებში ლტოლვილების შიმშილისაგან გამოღამებულ თვალებს რომ ვუტყქერ. თავი მისკდება, იმდენს ვფიქრობ საქართველოს ბედზე და ზოგჯერ ერთი შეხედვით აბსურდულ, უტოპურ დასკვნამდეც კი მივდივარ — ჩვენ ამ მიწაზე ჩვენი „საყვარელი“ მეზობლები, სულ ერთია, მაინც არ გაგვახარებენ, დღეს თუ ხვალ, კანიალური სისასტიკით მოგვილებენ ბოლოს. ახლა თუ ჩვენს სისხლს სვამენ, ხვალ ჩვენს ძეგლებს დახრავენ და (გთხოვთ არ გაგვიცინოთ) ხომ არ გადავსახლებულიყავით აქედან ქართველები სადმე შორეულ, მაგრამ უხიფათო ადგილას, თუნდაც ავსტრალიაში?

მე ჩვენი უბედობის ყველა ნიშანს ვუძებნი ახსნას ჩვენი გეოპოლიტიკური მდგომარეობიდან

გამომდინარე. მაგრამ ერთი ვერ ამისხნია — შინა ომი, ძმათა ომი. კარგად ვიცი, სამოქალაქო ომები ათწლეულობით მძვინვარებდა სხვადასხვა დროს, ჩვენზე უფრო ცივილიზებულ ერებში, მაგრამ ნულთუ ისტორიის გაკვეთილებმა ვერაფერი გვასწავლა? მომძულდა თავი, აღარ მჯერა აქამდე ყბადობებული სიტყვა „ინსპირებული-სა“. ეს სამოქალაქო ომი, იმდენად ინსპირებული არაა, რამდენად ჩვენი შინაგანი ბუნებიდან და ზოგი ვაი-პოლიტიკოსის ამბიციური ხასიათიდან გამომდინარე. ღვთის გულისათვის შეიჩრდით, მიწა ვიყვირო მთელი საქართველოს გასაგონად, მაგრამ ჩემი ხმა, სამწუხაროდ, არავის უსმის. ერთმანეთის ხოცვით საქართველოს გენოფონდს ვაჭრობთ, ესეიგი ჩვენს ერს თავად ვუსპობთ მომავალს. ერთი პატარა დეტალი: ჩვენს საინფორმაციო საშუალებებში ზოგჯერ თვალყურს მოკრავთ განცხადებას: „გაიმართა ხოთან გააფთრებული ბრძოლა სამთავრობო ჯარებსა და ექსტრემიზმის მომხრეებს შორის. მოწინააღმდეგე გამოიყვანა შვიდი ერთეული საომარი ტექნიკა. ბრძოლის შედეგად ჩვენებმა გაანადგურეს უკანონო ფორმირებათა ორი ტანკი, ერთი „ბმპ“ და ერთი ჯავშნოსანი მანქანა. არის მსხვერპლი“. ჯერ ერთი, შვიდი ერთეული საომარი ტექნიკა რა უბედურებაა, მაგრამ ეგ არაფერი. დაწვრილებით ვუწყებთ მკითხველს საომარი ტექნიკის შესახებ, ხოლო გარდაცვლილებზე უბრალოდ ვამბობთ, არის მსხვერპლი. და ის „მსხვერპლი“ სწორედ ჩვენი უდანაშაულო შვილებია, რომელ მხარეზეც არ უნდა იბრძოდნენ ისინი, ძმათა ომში ჩათრეული ჩვენი თვალის სინათლე და ერის მომავალი. გამოფხიზლდით ქართველნო, ისტორიის ვეშაპი ჩასაყლაბად გვეპარება. საქართველოს ისტორიაში ამ ყველაზე საშინელმა 1993 წელმა, იქნებ მაინც გამოგვაფხიზლოს და გაგავერთიანოს.

პორნელი დანელია,

პროფესორი, თბილისის სახელმწიფო უნივერსიტეტის ფილოლოგიის ფაკულტეტის დეკანი:
— სამწუხაროდ, რისი თავი-

დან აცილებაც გვინდოდა ამდენი ხნის განმავლობაში, ვერ ავიცილეთ. ამის მიზეზი მრავალია, მათ შორის საგარეოც. ჩვენს სამოქალაქო ომში რუსეთის ხელი რომ ურევია ყველა საათის ცხადზე ცხადია.

ისტორიიდან ბევრი რამ ვიცი, ბევრი გვსმენია, მაგრამ ის, რასაც ახლა საკუთარი თვლით ვხედავ, დაუჯერებელია. დაუჯერებელი ის კი არაა, რომ ადამიანებს ან ადამიანთა ჯგუფებს სხვადასხვა აზრი და რწმენა აქვთ, არამედ ის, თუ რა საშუალებებით ხდება საბოლოო მიზნის მიღწევა. როგორ შემიძლია მე გავაძრთლო ექს-პრეზიდენტის დაჯგუფება იმაში, რომ აფხაზეთის დამატყვევარი ხალხი, გადამთივლები გვერდით ამოიყვანა ოფიციალური ხელისუფლების წინააღმდეგ ბრძოლაში? მათი მიზანი ცნობილია — უნდათ ხელისუფლების სათავეში მოსვლა. ამის სურვილი შეიძლება მათაც გაუჩნდეთ და სხვადას, მაგრამ მისი განხორციელების გზა, არ უნდა იყოს საზოგადოების ნაწილის განადგურება და ერის მორალურად გახრწა. ამ უმართავმა პროცესმა იქამდე მიგვიყვანა, რომ სახელმწიფოებრიობა პრაქტიკულად დაგვეშალა. ამას სრული პასუხისმგებლობით ვაცხადებ. ჩვენში არსებითად არ მუშაობს არც ერთი სახელმწიფოებრივი სტრუქტურა, ყველაფერი, რაც კეთდება, კეთდება ინერციით. ამას თუნდაც უმაღლესი სასწავლებლების მაგალითზე ვხედავ. დიდად მადლობელი უნდა ვიყო, რომ სტუდენტთა უმრავლესობა კიდევ მოდის ლექციებზე. და ასეთი სიტუაცია განა მხოლოდ განათლების სისტემაში? ეს ჩვეულებრივი სურათია ნებისმიერ წარმოებასა თუ დაწესებულებაში. ასეთ ვითარებაში ადამიანის სურვილი, რომ თავისი თანამოქალაქეების ხარჯზე, ნებისმიერი მეთოდით ტახტისაკენ გაიკვალოს გზა, არ არის ნორმალური ადამიანის საქციელი.

ეს იმას არ ნიშნავს, თითქმის დღევანდელი მთავრობით ყოველთვის ვიყო კმაყოფილი, როგორც მოქალაქე. მანაც არ

სამოქალაქო ომმა რუსთაველიდან სხანისწყალზე გადაინაცვლა

გადადგა ბევრი ისეთი ნაბიჯი, თუნდაც ჩვენი უსაფრთხოებისთვის, რომელიც უნდა გადაედგა, დროზე არ მოახდინა რეაგირება მრავალ პროცესზე და არ მისცა მათ შესაბამისი სახელი, რამაც საბოლოო ანგარიშით ახლანდელ შედეგამდე — სამოქალაქო ომამდე მიგვიყვანა. მაგრამ, მე შემძლია გარკვეულწილად გავიგო მისი მოქმედების მოტივები, მისი გაუბედაობა. სხვა რომ არაფერი იყოს, ხელი-სუფლება მთელი ამ პერიოდის მანძილზე მართლ უმკლავდებოდა უდიდეს იმპერიას. გამსახურდიას მოწინააღმდეგე კი ვინაა ახლა? ის ხალხი სამეგრელოში, იმერეთსა თუ გურიაში, რომლის სოფელიცა და ქალაქიც მან დაიკავა? ასეთ ვითარებაში მთავრობაც იძულებული ხდება კონტრნაბიჯებს მიმართოს მათ წინააღმდეგ, ვინც აფხაზეთის ომშიც კი მას იარაღს ართმევდა და დღევანდელი ბრძოლებისთვის ემზადებოდა. მეტიც, ვფიქრობ, რომ ამ ნაბიჯებმა მეტად დაიგვიანეს.

ტარიელ კვანჭილაშვილი:

პროფესორი

როგორც ყველა ომს, ამა-საც თავისი გამომწვევი მიზეზები აქვს. მსოფლიო ისტორიაში ხშირია შემთხვევები, როდესაც ხალხებს თუ ხელისუფლებას ამა თუ იმ ომის თავიდან აცილება შეეძლოთ, მაგრამ ეს არ მოხდა. ჩემი ღრმა რწმენით, დღევანდელი შეიარაღებული დაპირისპირება, რომელიც, კლასიკური გაგებით, არ არის სამოქალაქო ომი, ჩვენც შეგვეძლო აგვეცილებინა თავიდან.

დღეს ძალიან პოპულარულია შერიგებისა და ერის გამთლიანების ლოზუნგი, მაგრამ არცერთ მხარეს არ გადაუდგამს შესაბამისი პრაქტიკული ნაბიჯები. ლოზუნგების დონეზე დატოვებული მოწოდება კი შედეგს რომ არ გამოიღებდა, ორივე მხარეს უნდა ცოდნოდა. ამიტომაც ორივე მხარე თავის ურყევ რწმენაზე დარჩა, ორივეს სჯერა, რომ იგია კანონიერი ხელისუფლება და აქვს მორალური და იურიდიული უფლება, რათა ყველა მას დაემორჩილოს. მმართველი ომი ყოველთვის იდელი უგუფურებაა, მითუმეტეს ჩვენნიარა მცირე ქვეყნისათვის იგი დამლუპველია. მხოლოდ შერიგებაზე ლაპარაკი კი არაა პრობლემა, საქმით შერიგებაა საჭირო. ახლა ზოგიერთმა პოლიტიკურმა პარტიამ წამოაგონა

ახალი არჩევნების ჩატარების იდეა, და ეს შეიძლება მართლაც პოზიტიური ნაბიჯი აღმოჩნდეს. გამომართოს ხალხმა თავისი ნება და მართლაც შეიძლება დამთავრდეს ახლანდელი „პროცენტობანას“ ერთმანეთისთვის წამოძახება.

სხვაგვარად, თუნდაც იარაღის გზით, ჩემი აზრით, ეს პრობლემა არ გადაწყდება. ხომ ცნობილია ვინ დგას ამ იარაღის უკან და ვინ აკონტროლებს მის მოწოდებას მხარეებისათვის. ამით მას აქვს მშვენიერი საშუალება, მანიპულირება მოახდინოს თავისი ინტერესების მიხედვით. ჩვენს ინტერესებში კი ერის გაერთიანებაა და ამისათვის კონკრეტული პოლიტიკური ნაბიჯების გადადგმა — მოლაპარაკების გზით თანხობის მიღწევა, არც დღესაა გვიან.

რეჟან კნელიძე

თბილისის სახელმწიფო უნივერსიტეტის ფილოლოგიის ფაკულტეტის დეკანის მოადგილე

— უპირველესად უნდა გაირკვეს, არის თუ არა ეს სამოქალაქო ომი. ჩემი პირადი აზრით — არის. ჩვენ ვხედავთ თუ რამდენად მძიმეა მისი შედეგები. — კაცთა კვლა, ძარცვა, ყაჩაღობა, ნგრევა, მაგრამ ვთვლი, რომ ეს პრობლემა უფრო ადრე უნდა დამდგარიყო, სანამ მოსალოდნელი ბრძოლა შედარებით მცირე მასშტაბიანი იქნებოდა და, შესაბამისად, ნაკლებ უბედურებას მოიტანდა. მთავრობის არგუმენტებიც გასაგებია — ისინი სისხლისღვრას გაურბოდნენ და თან უფრო მნიშვნელოვანი პრობლემები ჰქონდათ გადასაწყვეტი, მაგრამ ხომ ცხადია, რომ დაყოვნებამ არავითარი შედეგი არ გამოიღო. პირიქით, გაამძაფრა კიდევ ვითარება.

თუკი ექსპრეზიდენტის მხარეს მართლაც აქვს კონსტრუქციული იდეები, ქვეყნის განვითარების ალტერნატიული მოდელი, ამისათვის განა ბრძოლაა საჭირო, ამას განა ხიდეების აფეთქება და ადამიანების სიკვდილი ესაჭიროება? რა თქმა უნდა, არა. ყოფილ პრეზიდენტს მართლაც რომ ჰქონოდა რაიმე მოდელი შემუშავებული, საქმეს აქამდე არ მიიყვანდა. ამას ომი კი არა, განხილვა და დისკუსია სჭირდება, საპარლამენტო, სახალხო დისკუსია.

რაც შეეხება გამსახურდიას პიროვნებას, აქ ყველაფერი გასაგებია, მაგრამ ის ხალხი, ვინც მას ასე ატყურობდა უდგას მხარეში, ისინი ვინაა არიან, რა სურთ

და რა ამოძრავებთ? მე მათ შემდეგ კატეგორიულად დავყოფდი: I — სკამების დასაბრუნებლად მებრძოლნი; II — პატრიოტულ ნიადაგზე მოტყუებულნი, ვისაც დააჯერეს, რომ ნამდვილი საქართველო და ნამდვილი ქართველები მხოლოდ იქით არიან; III — კუთხური სეპარატიზმით შეპყრობილნი (ისინი ყველაზე მცირე ჯგუფს შეადგენენ); VI — დაბნეულები, ყველაზე დიდი ჯგუფი, რომელთაც პირადი კეთილდღეობა უფრო აინტერესებდა, ვიდრე ხელისუფლებათა მუდმივი ცვლა, ამიტომ მას წინააღმდეგობას არ უწყევნებ და, თუ დასჭირდათ, თანამშრომლობენ კიდევ მასთან.

რატომ შეიქმნა ის სიტუაცია, რომელიც შეიქმნა? მე ვთვლი, რომ ეროვნული მოძრაობა რაღაც ეტაპზე ასცდა თავისი მთავარი მიზნისკენ მიმავალ გზას — იგი გარკვეულწილად სკამებისათვის ბრძოლაში გადაიხარდა. სკამებისათვის ეს ბრძოლა გამსახურდიას მხრიდან დღესაც გრძელდება, მაგრამ მას, ჩემი აზრით, პერსპექტივა არა აქვს. დარწმუნებული ვარ, სამეგრელოს მოსახლეობა დადგება ოფიციალური ხელისუფლების გვერდით და თავად გარეკავს იმ ბანდებს, რომლებიც წელიწადნახევრის განმავლობაში მისი ძარცვა-გლეჯით ცხოვრობდნენ, ოღონდ საქმე ისაა, ეს რაც შეიძლება მალე მოხდეს. ამის შემდეგ სიტუაციის კონტროლს ქვეშეშეინარჩუნება სახელმწიფოებრივი სტრუქტურების საქმე იქნება. მჯერა, რომ ეს ასეც მოხდება და ჩვენი სახელმწიფო აღარ დაუშვებს დღევანდელი სიტუაციის განმეორებას.

ლევან სანიძე,

მწერალი, ისტორიკოსი.

პროფესორი

ყველაფერი, რაც დღეს ჩვენს თავს ხდება, ისტორიის ლოგიკას ექვემდებარება. ალბათ ეს ომიც სრულიად კანონზომიერი და მოსალოდნელი იყო. თავად ტერმინი „სამოქალაქო ომი“ — „ბელუმ ცივილემ“, პირველად რომაელებმა გამოიყენეს, რაც ნიშნავს ომს ერთი ქვეყნის მოქალაქეებს შორის. მე მიუკერძოებლად, როგორც ისტორიკოსი, ვამბობ — ეს არის სამოქალაქო ომი, სადაც ქართველები ქართველებს ხოცავენ. იგი არ ატარებს კუთხურ ხასიათს, რადგან გამსახურდიას მხარეზე მრავალი კუთხის წარმომადგენლები დგანან. იგი დაიწყო რუსთაველის პრესექტზე, როდესაც შეიარაღებულმა ხალხმა ხელისუფლება დაამხო. მე ამასწინათ დავწერე, და ახლაც ვიმეორებ — სამოქალაქო ომმა რუს-

თაველიდან ცხენისწყალზე გადაინაცვლა, მაგრამ ვიმეორებ, ისტორიკოსის თვლით ამაში არაფერი განსაკუთრებული არაა. ჩვენ ბოლო დროს ხშირად გავიძახით, „ეს რა საშინელი ხალხი ყოფილა ქართველები, როგორ დავერიეთ ერთმანეთსო“. მაგრამ გაიხსენეთ საფრანგეთი, ესპანეთი, ინგლისი, იტალია, რომელი ერთი ჩამოვთვალო... მათ ჩვენზე ათასჯერ უფრო ძლიერი სისასტიკით უღიგეს ერთმანეთი. იმათ თუ შევადარებთ თავს, ანგელოზებად გამოვჩნდებით.

ყველაფერი, რაც ახლა ხდება, ჩვეულებრივი ადამიანის ბუნებიდან გამომდინარეობს, იგი მარადიულია და მასში არაფერია გასოცარი. ადამიანებს ყოველთვის ჰქონდათ სიყვარულისა და სიძულვილის გრძნობები. ისტორიის მანძილზე კი, ხან ერთი იმარჯვებდა, ხან — მეორე. ასე რომ, ყოველი უარყოფითი გრძნობა, — შური, სისასტიკე, პირველობისკენ სწრაფვა, მკვლელობაც კი, ზოგადად ადამიანური თვისებაა. ხოლო იმისათვის, რომ მათ არ იმძაფრონ ქვეყნის მასშტაბით, მას სჭირდება კანონი, იძულებითი ძალისმიერი აპარატი. აღმაშენებელმა, რომლის მაგალითიც ბევს მოყვას, იმით შეძლო სახელმწიფოს განმტკიცება და დამორჩილება, რომ კანონი მის შესაბამის რანგში აეყვანა.

ვამბობ მსოფლიო ისტორიის პრაქტიკიდან გამომდინარე — ქვეყანაში, სადაც კეთილდღეობა და სიმშვიდე გაბეჭდული, ადამიანების სულებში გრძელდება ბალღამი, რომელიც გარკვეული დროის შემდეგ აუცილებლად იჩენს თავს და გამოვლინდება. ამის ასხნა ჩვენს ადამიანურ გონებას არ ძალუძს, მაგრამ ობიექტურად, ფაქტობრივად ეს ასეა. ამას უხეშად „სისხლის გამოშვებასაც“ უწოდებენ. ჩვენთვის დღეს სწორედ ბალღამისა და შურის გამოვლენის პერიოდია. ეს გზა, იმავე მისტიური ლოგიკით ჩვენთვისაც გასაუგებია. მაგრამ შემდეგ აუცილებლად დადგება კეთილდღეობის ხანა, რომელიც ყოველ შავბნელ პერიოდს მოსდევს კვალად. ამასაც როგორც ისტორიკოსი, გეუბნებით. ერთმანეთთან შუღლი და მტრობა წინათაც ხშირად გვქონია და ახლა იმდენად გაუმეორებელი, რომ ისტორიის ანაბანა დაგვავიწყდა. მაგრამ, ამისდამოუხედავად, ვიცი, რომ მომავალი სინათლეს მოიტანს.

ზაურ

ბაბუნაშვილი,

ისტორიკოსი. პროფესორი,

ჩვენი ერთ-ერთი მთავარი უბედურება იმაში მდგომარეობს, რომ ხალხი მზად არ აღმოჩნდა

ეროვნული მოძრაობისათვის, ჩვენთვის იგი, მხოლოდ თავისუფლებისა და დამოუკიდებლობის ლოზუნგების წამოყვანილობით შემოიფარგლა. ერის გამოღვიძებისას წამყვანი როლი ყოველთვის ახალგაზრდობას ეკისრება, ჩვენ კი იგი საამისოდ ვერ მოვაშაღეთ, თავის ნებაზე მივეშვეით, უფროსი თაობები კი მათ უკან მიგჩნაჩალებდით. მე კარგად მახსოვს, 9 აპრილს ბატონი სოლომონ ხუციშვილი, მხოცვანი, უბრაწყინვალესი მეცნიერი, ტრიუნაზე როგორ აიყვანეს და დამოუკიდებლობაზე სიტყვა ათქმევინეს. ლოზუნგები კი არ უნდა ესწავლა ჩვენს ახალგაზრდობას დიდი მეცნიერისაგან, არამედ რეალური, საფუძვლიანი ცოდნა მიეღო მისგან. მაგრამ, სამწუხაროდ ბატონი სოლომონისგან ამას მაშინ არავინ ითხოვდა.

თუმცა, ეს მხოლოდ ახალგაზრდობის ბრალი როდია. ჩვენ არ გვყვანან პროფესიონალები, რომლებიც დამოუკიდებელ ქვეყანას პაერივით ესაჭიროება — მაგალითად, საგარეო ურთიერთობათა სპეციალისტები. 1945 წელს უნივერსიტეტთან გაიხსნა აღმოსავლეთმცოდნეობის ფაკულტეტის საერთაშორისო ურთიერთობათა განყოფილება, მაგრამ ისიც სამ წელიწადში დახურეს. ასე აღმოჩნდა, რომ ამ დარგებში ჩვენ არც მეცნიერები გვყავს და არც პრაქტიკოსები, გარდა ერთი-ორი პიროვნებისა.

ასე მოხდა ეროვნული, სახელმწიფოებრივი საქმე არაპროფესიონალთა ხელში. ეს არის დღევანდელი სიტუაციის ერთერთი მთავარი გამომწვევი მიზეზი. რაც შეეხება ახლანდელი შეიარაღებული ბრძოლის კლასიფიკაციას, იგი ორდინალური სამოქალაქო ომის მშვენიერი მაგალითია. ომისა, რომელშიც ჩართულია მოსახლეობის ყველა ფენა, ყველა კლასი და არა ცალკეული პარტიები და დაჯგუფებები. ყველაფერ ამის გათვალისწინებით, როგორც მეცნიერი, მივდივარ დასკვნამდე, რომ ეს არის სამოქალაქო ომი, თავისი ყველა გამომდინარე შედეგით.

* * *

„მოყვინულ ბილიკებზე“ ა
არის მოონანიე კაცის აღსარებ
თსზულება გაგღწთილია ხაშანელ

ტომაც ჩაება სამანელთა დევნა-შევიწროებაში.

თავადან ვითომ არაფერი: გარსევენი და კოლა ფინანგისტები არიან და 1942 წლის საფხულში სოფელ-სოფელ დადიან გადასახადების ასაკრეფად. კოლას გზად ნაცნობი შეხედება, ისაუბრებენ და დასცილდებიან. ფინანგისტები კეს-ტომთის ერთ თხეშე ჩამოსხდებიან და შეისვენებენ. და, აი, აქ ჩამოაგდებს სიტყვას იჭირაული ხალხის გასაჭირზე და აღშოთებას გამოთქვამს იმ პიროვნებების, „წვეროსნების“ მიმართ, რომლებიც თურმე ცდილობენ ისარგებლონ გლეხკაცობის მიმე ყოფით, ბინებში დადიან და ყველას აქეზებენ, საბჭოთა კავშირის საქმე წასულია, გერმანელები კავკასიას მოადგენენ, აგერ, ზარბაზნების ქუხილიც ის-მის, მთელი ქისტები მათ მხარეზეა, გაისად აქაც შემოვლენ, კოლექტივებს მოსპობენ, ხალხს კერძო საკუთრებას დაუბრუნებენ და ამდენ გასაჭირსა და უსამართლობას ბოლო მოვლდებო; ჩვენ გადაწყვეტილი გვაქვს შევქმნათ ორგანიზაცია, რომელიც დაეხმარება და დააჩქარებს გერმანელთა შემოსვლას, რაზემესაც ვაფასებთ და ამიტომ თქვენც უნდა შემოგვიერთდეთ.

კოლა იჭირაული შეწუხებული და ლაწილვასაც არ ერიდება: ეგ მამაძაღლები ბევრს შეიყვანენ შეცდომაში და ისეთივე ამბავი მოხდება, რაც ქაქუცა ჩოლოყაშვილის დროს მოხდა, ეშმაკმა წაიღოს მისი თავი, მაშინაც ასე დადიოდნენ ქაქუცას რაზმელები მეცხვარეებში და ხალხს აქეზებდნენ და ამზადებდნენ მოაგრობის საწინააღმდეგოდ, მაგრამ როცა მოაგრობა გაიგო და საჭირო ზომები მიიღო, თვითონ ქაქუცამ თავს უშველა, ხალხი კი ამოწყდა, ახლა უარესი მოხდება.

მართალია, გარსევენი უმტკიცესი, იმ წვეროსან პიროვნებათა საქმიანობაზე, გზად რომ ნაცნობი შემოხვდა, მან შემატყობინაო, მაგრამ მისი მსჯელობა და ის გარემოება, რომ თავისი აღშოთება მაშინვე კი არ გაუხიარა თანამგზავრს, არამედ შესაფერის წაშს დაელოდა, აღძრავს საუკეთესო დედას, რომ იგი საგანგებო დავალებითაა გამოზავნილი და ფინანგისტობა ის აუცილებელი ნიშანია, რამაც ხალხის თვალში უნდა გამართლოს სოფელ-სოფელ სიარულისა და გლეხკაცობისთან შეხედვრა-საუბრების აუცილებლობა.

ასე რომ, მას ჩაუთრევია გარსევენი ანტისამანურ მოძრაობაში და ის მთავარი პროპაგანდისტულ-დემაგოგიური ხერხიც ასწავდა, რასაც უნდა დაეფუძნებინა მოსახლეობის გადმოსაბრუნებლად და სამანელთა მიმართ უნდობლობის გასაღებდებოდა: მათ თქვენნი ბედნი არ ანაღვლებთ, თუ რამე მოხდა, თვითონ გაქცევით უშუალოდ თავს და ჩეკას პირისპირ შეგატოვებენო.

ვითომ კომუნიტური პარტია და უშიშროების კომიტეტი ფიქრობდა ხალხზე, პარტიოტები კი — არა.

ქაქუცა ჩოლოყაშვილის სახელს რომ ახსენებს, ჩანს, მკაფიოდ ხედავს ამ ახალი მოძრაობის მსგავსებას 1921-24 წლების წინააღმდეგობის მოძრაობასთან და სინამდვილეში ასეცა: სამანელებიც და 1942 წლის შეთქმულებიც (რომლის წადიდანაც იშვა სამანი) სწორედ ქაქუცას გზაზე შემდგარიყვნენ — იგი ესახებოდათ იდეალად და არა დამოუკიდებლობის წლების ხელისუფლება, ოღონდ იჭირაული როგორც ერთი, ისე მეორე მოვლენას, ცხადია, უადრესად ტენდენციურად და საბჭოური თვალსაზრეუთი სომავს.

დღესდღეობით იმდენად მაინც გარკვეულია ქაქუცა ჩოლოყაშვილის პიროვნება და 1924 წლის ამბოხების რაობაც, რომ ასეთი პროპაგანდისტული ფანდი ვეღარავის დააბნევს: ქაქუცა უბრალოდ დადიან იმით არ გასცლია საქართველოს, რომ თავის შევლაზე ფიქრობდა და ხალხი კი დაუნახებლად შეატოვა გამაჟინებულ ჯალათებს. რადგანაც ამბოხებუ-გაცემული აღმოჩნდა და ხელისუფლებამ წინასწარი პროვოკაციული ჩანაფიქრით თვითვე ხელმოწერადა

გამოიწვია მისი ამოფრქვევა, ეროვნული მოძრაობის მოთავე მიხვდა, რომ წინააღმდეგობის გაგრძელებას არაკეთილად აზრი აღარ ჰქონდა. და მისი გასიზვნა ემიგრაციაში შეუცდელთა რაზმთან ერთად იმას გულისხმობდა, რომ ხალხისათვის ღარბევა აეცდინა. მაგრამ რაკილა ბოლშევიკური რეჟიმი არანაირ კანონ-სამართალს არა სცნობდა, ყოველად უდანაშაულო ხალხი ისევ აპატიმრეს და ელიტებს, როგორც, ვთქვათ, 1937 წელს, როცა ამბოხება არავის ჰქონია განზრახული.

თუმცა 1942-43 წლების დრამატული მოვლენები იმითაც ჰგავს 1921-24 წლების წინააღმდეგობის მოძრაობას, რომ ისიც პროვოკაციულად იყო გამოწვებული ხელისუფლებისა და ჩეკას მიერ: წინასწარ შეგზავნილი გამცემები ამბოხებულთა შორის და გარკვეულ დრომდე ლოდინი, ვიდრე წინააღმდეგობის ქსელი თითქმის მთელს თუშეთს მოედებოდა, კვლავ იმ მზაკერულ მიზანს ისახავდა.

სამანელები ყოველნაირად ფრთხილობდნენ და ახალ-ახალ წვერებს იმ ხერხით იკრებდნენ, რაც კოლტე ჯოგლიძემ შემოიღო 42 წლის შეთქმულთა წრეში კონსპირაციისათვის: საიდუმლო ორგანიზაცია სამეულად იყო დაწესებული, რათა შეთქმულების მოღიწი ქსელის არსებობა არ სცოდნოდათ და რომელიმე ჯგუფის წევრების შემთხვევაში მოეღწეოდა ორგანიზაციას არ დამუქრებოდა საფრთხე (სამანელები სამეულად დაყოფის ხერხს მოსახლეობაში მიმართავდნენ, თორემ ხინც ტყეებს უფარებოდა, ამ ციფრით ვერ შემოთარგლდებოდნენ, ყოველ შემთხვევაში, მოღიწი ქსელი რამდენიმე კაცის გარდა არც აქ იცოდა ვინმემ). მაგრამ როგორც შეთქმულები იყვნენ წინასწარვე გაცემულები და პარტიოტებთან ერთად ორგანიზაციას მისაზრდასხვლად ემატებოდნენ ჩეკას მიერ შეგზავნილი, ისე სამანელების სიფრთხილდევ თურმე ამაო იყო. მოგვიანებით ერთ-ერთი პარტიოტი იფანე მარბლიშვილი იმასაც იტყვის: ყოველ სამ კაცში ერთი გამცემი ერიოთ (ჩაიწერა დავით თუქუიძემ. „სიმართლე“, 1992, № 11).

ესეც ბედისწერად დაჟევა ჩვენს ბოლო ორსაუკუნოვან ბრძოლას თავისუფლებისათვის.

ალბათ არც ისაა შემთხვევითი, რომ კოლა იჭირაულის ბინაზე ცხოვრობდა ომალში საგანგებო დავალებით მოვლინებული შინაგან საქმეთა მინისტრის მოადგილე შალვა წერეთელი. კოლას მისთვის უცნობებია, ასეთი და ასეთი საიდუმლო ორგანიზაცია მოქმედებს ჩვენში და დროზე მიიღეთ ზომები; ქაქუცას სახელად უხსენებია. წერეთელს ეს ყოველივე უკვე სცოდნოდა და კოლასთვის ამრეზით უპასუხია: თქვენნი ჭკუის დარიგება არ გეჭირდებაო. როგორც ჩანს კიდეც წერილზეა აგერტის დახმარება ითაკოდა.

ამასთან, თუშეთში ასევე დიდძალი ჯარის ნაწილები და დამანაკებულან პირიქითის მოების გადასახველებში, ვითომდა ცხვრისა და მწყემსების გადასარჩენად ქისტების განუწყვეტელი თავდასხმებისაგან, მაგრამ ცხვარ-მეცხვარეს მათი ასვლით არაფერი ეშველა, რადგან მართლა მათი დაცვა ზომ არ ყოფილა განზრახული.

საგულისხმოა, რომ ერთ-ერთი სამანელი ლეონიდა მელაიო (კოლმეურნეობის თავმჯდომარე ომალოში) გარსევენის სანდო კაცად მიიხსენებს და საუბრისას წვეროსნებსაც უხსენებს: წოვები არიანო, ძალიან განათლებული ხალხიო. მერე საერთაშორისო მდგომარეობაზეც ჩამოაგდებს სიტყვას, ხალხის გასაჭირზეც, გერმანელთა წამატებებზეც და გარსევენისა და სხვათაზეც მათ ორგანიზაციაში ჩაბმას. ეს არც პოს ეტყვის და არც არას. ირწმუნება: მასთან შეხედვრას ვერცხდებოდა. მერე კი თითქმის შემთხვევით გაეცნობა გიგო ქაძიშვილს და მის რამდენიმე რაზმელს. გარსევენი შოთა ბაგრატიონთან ერთად, ის კი მუამბოხეებს ხანდო კაცად მიაჩნიათ. ასე შეიტყობს იგი, რომ სამანელებს კოლმეურნეობის საწყობიდან გაუ-

ტანიათ ხორბალი და ყველი და კიდევ აბრუნებს; და როცა საზოგადოების რაოდენობა განსაზღვრეს, გარსევენი მიმხედვარა, რომ საქმოდ ბევრი თუში ყოფილა ჩამოშლი წინააღმდეგობის მოძრაობაში.

ერთი თვის თავზე ომალოში დაბინავებულ გარსევენსა და შოთას ესტუმრებათ ბაგრატ მარწინაიძე, ვინც აცნობებთ, შტროლითაში უშინათ პლატონთან საქმე მქონდა და იქ წვერიანი ხალხი დამხვდა, ფარსიკანთ გიგოც (იგულისხმება გიგო ქაძიშვილი) მათში ერია და ეგენი საკაიკოდ არ იყვნენ ამოსულებიო. უშინათს ბერძენმაც შემოიწვია: ჩემი ბიჭებიც რომ დაღუპეს, მაშინაც ასე დადიოდნენ და ახლა პლატონსაც დამელუპავენო (კვლავ ქაქუცას რაზმელებზე იმინებდა).

ესენი შალვა ხეცურიანსაც შეატყობინებენ და ერთად გამართავენ ბჭობას, ვინ გავეზავნით ისეთი კაცი, არც ეჭვი აიღონ და თან დაწერილობითი ცნობებიც მოგვიტანოს, ვინ არიან და რისთვის ამოვიდნენო. მართლაც შეარჩევნა ახეთ პიროვნება — სამონი იმანურს, რჩევა-დარიგებას მისცემენ და გაისტუმრებენ.

აქამდე ზომ ასე წარიმართება თხრობა: ვითომ ყველაფერი შემთხვევით ხდება, სამანელთა მკილაეებს ვითომ გულწრფელად აღუვლებთ ხალხის ბედი და არავის კარანახსა და მითითებას არ ემორჩილებიან. მაგრამ ეს პასუხი თვალნათლივ ამხელს მათ ზრახვებს. გულუბრყვილობას თამაში — „ვინ არიან და რისთვის ამოვიდნენო“ — თითქმის უშეცვლად არ მოეხსენებოდათ, ვინც იყვნენ და რისთვისაც ამოსულიყვნენ, ანტისამანელთა აზრსაზრებს კი ვერ ჩქმალავს, პირიქით, უფრო აშიშვლებს.

კიდევ ერთი კაცი გადაიბირეს და საგანგებოდ მოეზავნეს საიდუმლო რაზმელებს. მერე ნახეთ: „მესხად დღეს სამსონი ამოვიდა, ბინი იყო. დავეწერა ყველაფერი, როდის მოვიდნენ, ვინ იყვნენ, რისთვის იყვნენ ამოსულნი“.

ეს „დავეწერა“ როგორ მოეწონა?

განა ძნელი მისახვედრია, რომ ეს დოკუმენტი მხოლოდ ამათ გასაცნობად არ არის შედგენილი და იქ უნდა მიეწოდოს, საიდანაც ანტისამანელთა ქსელი იმართება?

რადგან სამანელთა ის წვერები ჭინჭახოვნიდან გომეწერის გადასულიყვნენ, ახლა იქ გასაგზავნი კაცი გახდა გამოსაძებნი. შეარჩიეს კაცი და ქალი. საჭირო დროს ის კაცი იმ ქალს გადასცემდა წერილს (გასაგზავნა რა წერილსაც) და ასე მოაღწევდა ცნობები ანტისამანელთა ბირთვამდე. ესენი თანდათან მართლა ბირთვად ჩამოყალიბდნენ: შემდგომი მოვლენები ამას კიდევ უფრო მკაფიოდ ადასტურებს. გომეწერიდან ამბები მოხდით (ყველა ცნობას გულმოდგინედ კრებენ), რომ წვეროსნები კვლავ მტკიცედ განაგრძობენ თავიანთი ეროვნული მრწამსის ქადაგებას და კომუნისტური რეჟიმის აღსასრულის მოახლოებას, და ხალხს პირდებიან მისწრაფად პირადი ქონების თავისუფლებას: მთელი წელი მუშაობთ და კოლმეურნეობიდან, აბა, რას გაძლევენ, გადასახადებმა ზომ სული ამოგზავდათ, ბევრს შინ სამეფო საქმელიც არა გაქვთ, და თუკი გასურთ თავისუფლება, ჩვენს ორგანიზაციაში ჩაებითო.

გარსევენი სამანელებს ამ დაპირებას აგიტაციურ ფანდად უთვლის, სატყუარად, რათა გაჭირვებული გლეხობა ანკისზე წამოვიდეთ და ხალხში დასაყრდენი განემტკიცებინათ.

ვითომ მართლა ფანდია?! ვითომ ისინიც ასევე ატყუებდნენ ხალხს, როგორც თავის დროზე ბოლშევიკები ევოცებოდნენ: მისა გლეხობისა იქნებაო. სინამდვილეში კი, რაც ჰქონდათ, ისიც წაართვს და სრულიად დაკაბალებს...

მაგრამ არა, ეს არავითარი ფანდი და სატყუარა არა ყოფილა: კერძო საკუთრების აღდგენა 1942 წლის შეთქმულთა ეროვნულ-პოლიტიკური პროგრამის ერთ-ერთი მთავარი მუხლი იყო, როგორც სასოციალისტური ცხოვრების ბუნებრივი განვითარების აუცილებელი პირობა. და სამანელებიც განუხრევლად მიჰყვნენ ამ გზას.

სამანელებზე ისეთ სმებასაც ავრცელებდნენ: ვინც ნებით ვერ დაიყოლიეს, მუქარა-დაშინების პოლიტიკას დაადგნენ და ყველას იძულებით ითრევენ თავიანთ ორგანიზაციაში. ორგანიზაციაში ჩაბმა კი ფიცზე ხელისმოწერით დასტურდებოდა. ეს „მუქარის პოლიტიკა“ შეგნებულად დაყრილი ხმაა, თორემ ძალადობით იმედად ყოფნა რაოდენ ამაოა, პარტიოტებს მშვენიერად მოეხსენებოდათ. მუქარა მხოლოდ გამცემის გასაფრთხილებლად სჭირდებოდათ და არა მთელი მოსახლეობის დასაშინებლად.

ამასობაში ახალწლებმა მოაწია და გარსევენი და მისი თანამზრახველნი გადაწყვეტილ გომეწერში წასვლას და დღეობის მომისვლებით რამდენიმე სოფლის მოვლას: ნათესავების, მეგობრების იმასაც აღნიშნავს: „აქაურ ამბებზე ყოველდღე იგზავნებოდა რადიოგრამა თბილისში“. ხედავთ როგორი კავშირი აქეთ გაბმული პირდაპირ თბილისის უშიშროების კომიტეტთან?! ის რადიოგრამები თავისით ხომ ვერ გაიგზავნებოდა.

გარსევენი წუხილს გამოთქვამს: აქ კი იფაა ჯარის ნაწილები, მაგრამ ზამთრობით ფერდობები საზგავევია და ყინვა 20—25 გრადუსამდე აღწევს, ისე რომ, ჯარის მოქმედების არე შესულფული იყო.

იმ ხანებში ზემო აღვანში რამდენიმე სამანელი შეუპურიათ, ხოლო რადგან თავკაცები თუშეთში იყვნენ თავშეკრებულნი, „ამიტომ საჭირო შეიქმნა გადამჭრული ზომები მათზე მიეღოთ და საამისოდ მთაში გასაგზავნი ჯგუფი გაამზადეს კვაშაძის ხელმძღვანელობით“.

ლენურში ლეიტენანტი ალექსი ცისკარიშვილი მდგარა თავისი ნაწილით, მაგრამ მას პარტიოტთა დევნა კი არ დაუწყებია, თვითონაც სამანელთა მოძრაობას დაკავშირებია, მიუტოვებია სამხედრო ნაწილი, გატაცვია რამდენიმე ავტომობილი და მათთან ასულა (გარსევენის ცნობით პარაუღლი მოუკლავს).

მოსკოვიდან საგანგებო ბრძანება გამოეგზავნათ: ხალხის შემოიბრუნება ცეცადით, ნუ გაამწვავებთ და გაართულებთ მდგომარეობას. ბრძანების ქვეტექსტი ნათელია: წინააღმდეგობის მოძრაობის მოსპობის მთავარი ხერხი თვითონ სამანელთა შორის განხეთქილების შეტანაა.

გარსევენი და მისი ჯგუფი ზემო აღვანში ამოსულ თელავის მილიციის უფროსის ალხაზოვს გაუხიარეს, ახალწლებზე გომეწერის სოფლის ჩამოვლას გაპირებოთ, რასაც ალხაზოვი არ დაეთანხმება: თქვენნი გაშვება იქ არ ივარგებს, ეჭვს აიღებოთ.

და აქ ძალზე მზაკერულ ფანდს დააგებენ: გაითამაშებენ სცენას, თითქმის ჩეკას განზრახული აქვს გარსევენისა და მისი თანამზრახველთა თელავში ჩაქუცება და იქ დაპატიმრება. ამ ყალბ ცნობას კი წვეროსნებს (სამანელებს) მიაწვდიან ფარული გზით, რათა თვალა აუხვიონ. და კიდევ მიაღწევნ მისანს, სამანელები შემოუთვლიან: უფრო შორსმჭვრეტელები გვეგონეთ, თელავში არ ჩახვიდეთ, თორემ დაპატიმრება არ აგცდებოთ.

და ესენი, როგორც მილიცია უშიშროებისაგან დევნილები, უკვე ისე გადავლენ გომეწერში. ოღონდ ეს ყოველივე ისეა აღწერილი, თითქმის წინასწარ დადგენილ სცენარში კი არ მონაწილეობდნენ, მართლა დაგნილები იყვნენ და თავმესხურად სამანელები ეგულდებოდათ.

რადგან თუშეთი ზამთრობით ბარისაგან მოწყვეტილია და სოფლებშიც მიმოსვლა იშვიათია, უცხო კაცი თუ გამოჩნდა, ყველა გამოიგებება, ყველა თავისთან ეპატივება სოფელ ახალ ამბებს და ნატრულდებულნი, ახლა კი სოფლებში ჩამოიშობი არ ისმის. კაცები სადღაც გაკრფილან, ქალები კი თავს იკავებენ გარსევენისა და მისი მეგობრების შეპატივებისაგან. ბედად კიდეც კაცი გამოჩნდებოდა და ის დაანახებოდა. საუბრისას გაირკვევა, რომ თანასოფელნი მას თურმე უნდობლად უყურებენ. გარსევენი გეიმტკიცებს: ბეჩავი

კაცი იყო და იმიტომ, მაგრამ ნუთუ ეს დასაჯერებელია, ნუთუ ხიბნიავე იწვევს უნდობლობას?..

შეცრად ხმა გაისმის: მოდიან, მოდიანო. და გარსევენი აჩქამდება. ესენი დაინახავენ, რომ გოგრაულთის მხრიდან ცერცერ გაწალიკებული მოდის ოცამდე ადამიანი. შეხედვრას დიდი ხმაური გამოუწვევია და ასევე გარსევენი დაკვირვით მოუცილებიათ სოფელამდე. ცხადია, ეს აღმოჩნდა სამანელთა რაზმი.

საღამოს სუფრაზე ამათაც მიიწვევენ და გარსევენს გიგო ქაძიშვილს მოისვამს გვერდით. ჭკითხავს: ჩვენთან ამოსვლა როგორ მოეფიქრეთო. „მე ყველაფერი სიმართლედ ვუთხარიო“, აღნიშნავს გარსევენი. სინამდვილეში კი ეს ფრაზა გულისხმობს, რომ ის შეთხულები ვერსია გაუცვანია. გიგო ეჭვს გამოთქვამს: ჩვენ ხომ ადრევე დაგებართ, გენახეთ, მაშინ რატომ არ ისურვეთო. გარსევენი თავის დაძვრენას ცდილობს: ვერ მოხერხდა, უფროსები არ გვიშვებდნენო; მაგრამ ამით ეჭვს ვერ გაუქარწყლებს. და შეთხვევითი არ არის, რომ გიგო მას გვერდიდან არ იცილებს.

ყოველდღე ახალ-ახალ სოფლებში დადიან: აქედან ევსტომში, ევსტომიდან საჩილოლოში, საჩილოლოდან ბუზურიაში, იქიდან ილურთაში, მერე აღისგორში და იმავე საღამოს კოკლათას ეწვევიან. მათ ყველაგან პურმარილით ხვდებიან და გარსევენი მას ასე ხსნის: შიშით მოსდიოდათ... ვითომ ასე ვითომ შიში რომ არა, მოსახლეობა სტუმრებს, თანაც ასე სახეილანებს, პურმარილად დახვდებოდა?

ბოლოსდაბოლოს, სამანელებსა და ანტისამანელთა სამეულს კონფლიქტი მოუხდებათ. გარსევენი ამასაც პროპაგანდისტული მოთხრობის სტილით გვიამბობს: თუ როგორ არ შეგუებოდა სამნი ოცს, თვითონ გარსევენი როგორ არ დაიბნებებს გიგოს ნაგანის ამოღებას და იძულებით დასვას, სკამზეც თუ როგორ მოაკლახვენ საღამოს გიგო და ადამ ბობიაშვილი ანგარიშის გასასწორებლად, მაგრამ ესენი არ დაფრთხებიან და იარაღმომარჯვებულნი შეეგებებიან, ათიოდე წუთს როგორ ჭამენ პირიქით თვალბებით, თუშეც ამახსროდა აღარ მოჰყვება და სამანელთა თავკაცები უკან გაბრუნდებიან.

როგორი მანერითაც უნდა იყოს ნაამბობი, მთავარი ისაა, რომ გარდუვალი კონფლიქტი დიდხანს ვერ დაფარავდა თავს და საბაბი, რაც ისედაც მოსალოდნელია, ეს ყოველივე: ამით ჭკუის დარიგება მოუწოდებიათ სამანელთათვის და გადაკრული სიტყვით გზიდან აცდენილებად შეურაცხავთ. ვითარების მიხედვით ისიც აშკარაა, რომ ამასობაში ვიღაც-ვიღაცების გადმოიბრება მოუწერიათ და მათი იმედით გაუდიდებულდნენ პარტიოტებს.

შეჯახების მერე იქ უკვე აღარ დაეფიქრებოდათ და უკან გამობრუნება გადაწყვეტილათ, მაგრამ მანამდე ერთხელ კიდევ მოუწია წვეროსნებთან შეხვედრა. გიგო თავიანთ ბინაზე (ეს „ბუნაგად“ იხსენიებს) დაიბარებთ და პირდაპირ მიახლით: ალბათ თქვენნი სამუშაოს დაფრთხელებით, თქვენ ხომ ჩვენი მოსპობა გაქვთ დავალებული, ეს ყველაფერი კარგად ვიცითო, მაგრამ მაგას ვერ მოესწრებოთო. ცხადია, ესენი მტკიცებას დაუწყებენ, ეგეთი განზრახვა არა გეპირიაო, და ვითომ იმასაც დასძენენ: ეს რომ გვედმოგვად, კიდევ გესროდით, თქვენი თანამზრახველნი თქვენი გულისთვის თავს არ გამოიყენებენ, რადგან ძალით გყავთ შეტოწინებულნი.

რასაკვირველია, ასეთ ფრაზას იქ არც და ვერც იტყუდნენ და ალბათ მხოლოდ თავს იმართლებდნენ, მაგრამ ამაოდ ყოველ შემთხვევაში, სამანელებს რაიმე ხელნახაჭიდი საბუთი არ მოეპოვებოდათ მათი მხედრობისთვის (ეს ყველაფერი კარგად ვიცით“ მარტოეფნ ინტუიციურ მიხედვრას გამოხატავს) და ეჭვზე დაყრდნობით ვერც გადამჭრულ ზომებს მიიღებდნენ; მათი თანხლება კი აღარ ისურვეს.

(დასასრული შემდეგ ნომერში)

ილია ჭავჭავაძის საზოგადოების

გ ა ნ ც ხ ა დ ე ბ ა

სამართლებელს სახელმწიფოს ხელმძღვანელობის მიერ აღებული პოლიტიკურმა კურსმა უდიდესი სისხლის, მსხვერპლისა და ნგრევის შემდეგ სუვერენიტეტის ნიშნების საბოლოო მოსპობის საფრთხემდე მიგვიყვანა. რუსეთის იმპერიალიზმმა და მისმა მსახურებმა ხელგულურად შექმნილი მართვადი ქაოსის საშუალებით ქვეყანას თავისუფლებისაკენ მიმავალი ყველა გზა გადაუკეტეს.

თითქმის ბედის ირონიაა, რომ ე.წ. სნგ-ში შესვლის კამპანია გეორგიევსკის ტრაქტატის 210-ე წლისთავზე იმავე დასმა წამოიწყო, რომელიც ამ ათიოდე წლის წინათ ქართული სახელმწიფოებრიობის დაკარგვის დამამცირებელი თარიღის ზეიმის ორგანიზატორი იყო. ამ დასის წყალობით ჩრდილოეთის საპყრობილეებში მრავალი ქართველი პატრიოტი აღმოჩნდა, რომელთაც ამ ზეიმის წინააღმდეგ გაილაშქრეს.

ილია ჭავჭავაძის საზოგადოება თავიდანვე აცხადებდა, რომ ამჟამინდელი სახელმწიფო კურსი არ შეესაბამება ჩვენი ქვეყნის რეალური დამოუკიდებლობის მოთხოვნებს. ვფიქრობთ, — განუხორციელებელი ეკონომიკური რეფორმები, აფხაზეთის მარცხი, სახალხო ლაშქრის დონეზე დარჩენილი მოსახლეობა, უკვე გაჩაღებული სამოქალაქო ომი, რუსეთის სახელმწიფოსთან ეროვნული ღირსების შემლახავი ურთიერთობები, პარლამენტის გეგმაზომიერი დისკრედიტაცია და 14 სექტემბრის ფაქტობრივი სახელმწიფო გადატრიალება, დახვასებული კადრების მოზიდვა, ადამიანის უფლებათა სულ უფრო და უფრო უცერემონიო შელახვა, და სხვა მრავალი, ზემოაღნიშნულის ნათელი დასტურია. სწორედ ამ მიზეზით აღმოჩნდა ილია ჭავჭავაძის საზოგადოება ოპოზიციამ.

იდეოლოგიური და იურიდიული საფუძველი საქართველოს სნგ-ში შესაცვანად კარგა ხანია მზადდებოდა. ამასთან დაკავშირებით ილია ჭავჭავაძის საზოგადოებამ არაერთი განცხადება გააკეთა.

ერთის მხრივ, სახელმწიფოს მეთაურისა და მისი კურსის მხარდამჭერთა გამოსვლები და განცხადებები იმისა, რომ ჩვენ სახელმწიფო არა ვართ, რომ რუსეთის გარეშე შიმშილით ამოვწყდებით (სხვათაშორის, ამასვე ქადაგებს ვ. ჟირინოვსკიც) და ა.შ. ქართველ ერში არასრულფასოვნების კომპლექსს აყალიბებდა: ხოლო მეორეს მხრივ, — ქართველ დიდმოხელეთა ვთიანებები და ქმედებები, წინასწარი მოლაპარაკებები და სნგ-ს დოკუმენტებზე ხელმოწერები ნიდავს აშაბდებდა რუსეთის (სნგ-ს) პოლიტიკურ, სტრატეგიულ და ეკონომიკურ სივრცეში გასაერთიანებლად.

ვერავითარ კრიტიკას ვერ უძლებს სნგ — ს წესდება. მასში თითქმის არ მოიძებნება პუნქტი, რომელიც რეალური პოლიტიკური ფაქტორების გათვალისწინებით სახელმწიფოებრივად მოაზროვნე ადამიანს დააკმაყოფილებდეს. მაგრამ ეს წესდება თავის სამართლიანობითა და დემოკრატიულობით მსოფლიო შედეგსაც რომ წარმოადგენდეს, განა სახიფათო არაა ის იმპერიალისტური ზონა, რომელშიც მან უნდა იმოქმედოს? თავის მოტყუებაა იმის მტკიცება, რომ რუსეთის სახელმწიფოს დამოკიდებულება საქართველოსადმი და საერთოდ მისი პოლიტიკური კურსი 3-4 ოქტომბრის ცნობილი მოვლენების შემდეგ რადიკალურად შეიცვალა, და ამიტომ თითქმის პრობლემა აღარაა მასთან ურთიერთობა. აღბათ საკითხი-სადმი ასეთ გულუბრყვილო მიდგომას გულისხმობდა თბილისში, რუსეთის საელჩოსთან ელცინის მხარდამჭერი მიტინგები და იქ გამოტანილი ერთი

პლაკატის შინაარსი: „ვინც ე. შევარდნაძეს ებრძვის, ის ბ. ელცინს ებრძვის!“.

მართლაც, თუ რუსეთში ჭეშმარიტად დემოკრატია გაიმარჯვა, მაშინ სნგ-ში ჩვენი შეუსვლელადაც საქართველოს დამოუკიდებლობას არაფერი უნდა ემუქრებოდეს და ორი ქვეყნის ურთიერთობა, როგორც ეს ცივილიზებული მსოფლიოშია მიღებული, სრულიად თანასწორუფლებიან, ორმხრივ ხელშეკრულებას შეიძლება დაეფუძნოს. ხოლო თუ რუსეთი ისეთივე იმპერიალისტური დარჩა, როგორიც იყო, მაშინ აქვს კი აზრი მასზე იმედის დამყარება? ძნელი დასაჯერებელია, რომ რუსეთს, რომელმაც საქართველოს საშინაო საქმეებში თავხედურ სამხედრო ჩარევასთან ერთად, საკმაოდ სოლიდური კაპიტალიც დააბანდა (აფხაზურ და სხვა „საქმეებში“), სნგ-ში ჩვენი შეყვანა მხოლოდ საქართველოს ბედნიერი მომავლისათვის უნდოდეს და საერთოდ, გაურკვეველ პოლიტიკურ ვითარებაში მყოფი სახელმწიფოს გავლენის სფეროში შესვლას, რაც ეკონომიკურადაც უპერსპექტივოა, დიდ წინდახედულობად ვერ მივიჩნივთ.

ილია ჭავჭავაძის საზოგადოება უკიდურესად შეძრწუნებულია საქართველოში გამეფებული ქაოსითა და სამხედრო-პოლიტიკური დაპირისპირებით. ეს შედეგია ტოტალიტარული მენტალიტეტის მქონე პოლიტიკოსთა შეუზღუდავი პარპაზისა. მათ, როგორც ჩანს, თანამდებობები და შემოსავლები უფრო აღელვებთ, ვიდრე საქართველოს რეალური დამოუკიდებლობა და მომავალი. დემოკრატიული ძალები, მათ შორის ილია ჭავჭავაძის საზოგადოებაც, რომლებსაც ბისთვისაც მიუღებელია, როგორც ყოფილი, ასევე ამჟამინდელი ხელი-

სუფლების კურსი, პოლიტიკურად უკიდურესად შევიწროვებული საზოგადოებრივი ცნობილია, რომელიც სადაც პოლიტიკურ ოპოზიციას პატივს არ სცემენ, როგორც წესი, აბურხად იგდებენ ადამიანის სხვა ელემენტარულ უფლებებსაც. მართლაც, ჩვენში უკვე დაუფარავად ითრუნება ჯერ კიდევ მოუმაგრებელი დემოკრატიული ინსტიტუტები, განტევების ვაცადა ქცეული პარლამენტი, რეაქციული ძალები მის დაშლასა და ჩაქოლვას მოითხოვენ. სახელმწიფოს მეთაურმა უკვე აშკარად მოითხოვა თავისუფალი პრესის აკრძალვა და ოპოზიციისათვის ტრიბუნის ჩამორთმევა. (სახ. მეთაურის 17-18 ოქტომბრის გამოსვლები). ამ მიმართულებით უკვე გადაიდგა კიდევ კონკრეტული ნაბიჯები. „ზვიადისმის“ ბრალდებით ხდება სხვაგვარად მოაზროვნეთა მასობრივი დაპატიმრებები და რეპრესიები, რეაქციონერთა მიერ გაისმის მოწოდებები იმ პოლიტიკური პარტიების აკრძალვისა და მათი ლიდერების დაპატიმრებისა, რომლებსაც სახელმწიფო მეთაურისაგან განსხვავებული თვალსაზრისი გააჩნიათ, დამყარებულია მკაცრი ტელედიქტატურა. სასაცილოა, როდესაც ერთი მხარე „ზვიადისმის“ მასზე ბევრად უფრო „ზვიადისტური“ და მიუღებელი ფორმებით ებრძვის და აღვირახსნილ ძალადობას აკანონებს.

ზემოაღნიშნულიდან გამომდინარე, ილია ჭავჭავაძის საზოგადოება მიიჩნევს, რომ ქვეყნის ეროვნული ინტერესების საპირისპიროდ, უცხო ძალების იმედით სამოქალაქო ომში ჩაბმულმა ორივე ლიდერმა, რომ ვერ შეძლეს მოსახლეობის ეკონომიკური კეთილდღეობის უზრუნველყოფა და სამოქალაქო უწყობილო დაპირისპირება, ახლა საყოველთაო არჩევნებამდე უპირობოდ უნდა თქვან უარი თავიანთ პოლიტიკურ ამბიციებზე, რათა შეწყდეს სისხლისღვრა, დამყარდეს ზავი, მომზადდეს საქართველოს კონსტიტუციის ახალი რედაქცია. დაინიშნოს არჩევნები და შეირჩეს მმართველობის ოპტიმალური ვარიანტი ახალ არჩევნებამდე.

ილია ჭავჭავაძის საზოგადოება
16. 10. 93.

ღუბაი — მიმზიდველი ტური საქმიანი ხალხისათვის

მას, ვისაც სურს მოინახულოს არაბთა გაერთიანებული საემიროები და სპარსეთის ყურის სხვა სახელმწიფოები, საზოგადოება „იმერეთი“ საერთაშორისო ტურიზმის სააგენტოსთან ერთად ვთავაზობთ კომფორტაბულ მოგზაურობას ღუბაიში ვინც გააკეთებს სწორ არჩევანს და ისარგებლებს ჩვენი მომსახურებით, ვთავაზობთ მოგზაურობას თბილისიდან თბილისამდე, ღუბაის ცენტრში მდებარე 3, 4 ან 5 ვარსკვლავიან სასტუმროებში ცხოვრებას (სურვილის მიხედვით) 2 ან 3-ჯერად კვებას (სურვილის მიხედვით), ექსკურსიებსა და სატრანსპორტო მომსახურებას, საერთაშორისო ნორმებით დაშვებული სტანდარტული და არასტანდარტული ბარგის გადაზიდვას, ხელს შეგიწყობთ ავტომობილების შეძენაში, შეგიქმნით პირობებს კარგი დასვენებისა და სარგებლიანი მოგზაურობისათვის. მსურველებს აგრეთვე ვთავაზობთ ეგზოტიკურ მოგზაურობას აღმოსავლეთ აზიასა და ინდოჩინეთის ქვეყნებში. თქვენ გეძლევათ საშუალება მოინახულოთ ჰონკონგი, ბანკონგი, სინგაპური... ჩვენი მისამართია დავით აღმაშენებლის გამზირი № 7; II სართული. ტელ : 5-72—07. ყოველდღე, გარდა კვირისა, 12-18 საათამდე.

იყიდება

უაზ-432ა. ახალი კაპიტალური რემონტით.

ტელეფონები: 60—37-88,
60—60—36

* * *

ოთხი ხის ჩარჩო

(სიმაღლე — 163 სმ; სიგანე — 111 სმ.) ფრამუგებით და რვა ფანჯრით.

ტელეფონი: 60—60—36

მთავარი რედაქტორი

ნოდარ გრიგალაშვილი

სარედაქციო საბჭო

თენგიზ გოგოტიშვილი

ჯემალ კასრაძე

პახტანო კოპახიძე

მერაბ მაისურაძე

სერგო ჯანაშია

რედაქციის მისამართი:

თბილისი, თავისუფლების
მოედანი, აუზი 60ის ქ. 5

ტელ:

რედაქტორი: 93-20-36,

მონაწილე: 93-18-41.

აპსენსიზაციული მდივანი:

93-19-99

გაზეთი იბეჭედა ოქსიბურთი წესით საგაზეთო
ქორაუსში, ხოშარაულის 29.

შეპოსული მასალები ავტორებს არ უბრუნდებათ.

გაზეთის

ინდექსი 66447

ფასი

600 კუპონი

გაზეთი დაკაბდონდა
კომპიუტერული წესით ფირმა
„აგა“-ში

ტელ:

93—83—07, 29—49—60